



1800. Leipzig. Diss. iur 1800 - 1802.
- Peter, A. F. De similitudine investitura libris iure Saxonico ...
- Tiemer, H. A. Ch. L. Ad historiam rationum iuriis discendi docendique symbola et
- Gottschalk, H. A. De legato rei alienae.
- Hansen, K. L. Utrum possessorum summarium et ordinarium iure
coquendae et vendendae conciviae obtineat.
- Palm, Jo. G. Famosi libelli utrum in civitate forendi sint.
- Petschke, H. A. De immunitate praediorum in Saxonie a tributio per
præscriptionem immemoriam adipiscenda.
- Pritzer, H. H. Quo possessiones principem ac comitum dynastarum
a Schoenbogen in Saxonie Electorali sive abuntur.
1801. Baumgarten-Cruius, C. I. Th. Juris prudentia in interpretando Novo Testam. ec.
- Dennith, F. H. W. De letbris patentibus contra debitorem, cambialom ...
- Kyttich, K. E. C. De iuri dictionis feodalis in terra Sax. Elect. conditione ...
- Rindis, H. Th. De XII. Justini nisi editis spec. T.
- Kaunerk, F. A. De administratore iuri dictionis patrimonialis munere
sua iudicato causa haud pravando.
- Richter, H. K. De vi militari veterum Germanorum hibernariae ... II.
- Schneider, J. F. A. Delibatae quaedam de corpore delicti capita.
- Weiß, Ch. B. De canis et præscriptione querellæ nullitatis contra sententiam
- 1802.
- Tiemer, H. A. Ch. L. Juris consultus perfectus.
- Gottschalk, H. A. De Sponsionibus sponsalium iure vom Jawort.

1804, 6, 8

DE
VI MILITIAE
VETERVM GERMANORVM
HERIBANNARiae
IN IVRE GERMANICO PRIVATO CONSPICVA
EXERCITATIO SECVNDA

SCRIPPSIT
ET
ILLVSTRIS IVRISCONSVLTORVM ORDINIS AVCTORITATE
PRO SVMMIS
IN VTROQVE IVRE HONORIBVS
RITE OBTINENDIS
A. D. III. FEBRVAR. A. R. S. MDCCCI.
AD DISPUTANDVM PROPOSIT
STEPHANVS CAROLVS RICHTERVS
LIPSIENSIS
IVRIS VTRIVSQVE BACCALAVREVS

LIPSIAE
IMPRESSIT CAROLVS TAVCHNITZ.

AI MIFTIHA
MIFTIHA QUR'ATU

HELDENMINNEN

THEATRUM GERMANICO-BREVIALE CONPLICATUM

EXPLICATUM ET EXQVISITUM

EDITIONES

2

ILLUSTRIS LIBRARIOS ET TOTI MUNDI QVODQUAM VAGABUNDAT

PRO SPARSIS

IN ALTOQVA LITER HONORIFIAS

ET HONORIBUS ET CETERIS

ET HONORIBUS ET CETERIS

ET HONORIBUS ET CETERIS

STEFANAE CALORIAE HICHTURAS

ET HONORIBUS ET CETERIS

ET HONORIBUS ET CETERIS

PIPERIA

ET HONORIBUS ET CETERIS

DE
VI MILITIAE
VETERVM GERMANORVM
HERIBANNARIAE

IN
IVRE GERMANICO PRIVATO CONSPICVA

P R A E F A T I O.

Animum meum ante binos abhinc annos cum ad scribendum academicum libellum appulisset vimque militiae veterum Germanorum, quam heribannariam vocant, in effingendis iuribus eorum priuatis conspicuam describere constituisse, hunc ordinem seruaturus eram, ut primum ipsas militiae leges enarrare, deinde vero, quid illa virtutis in efformandis commutandisque hominum iuribus exseruerit, ostendere conarer. Quoniam

A

autem tunc mihi priorem tantum huius argumenti partem absoluere licuit, iam, hac noua scribendi opportunitate oblata, si materiam, tum coeptam continuarem, id, quod res ipsa postulet, aliisque forte haud ingratum sit, me facturum existimauit.

Priusquam autem illud ipsum adgrediar, paucis verbis instituti mei rationes exponam. Scilicet non deerunt forte, qui nos saepius in hoc libello de rebus publicis veterum Germanorum, ac de priuatis iuribus inde enatis efformatisque, locutos esse mirentur, nosque, quod non ea sola iura huc retulissemus, quae per ipsam militiae disciplinam essent effecta, a scopo nostro aberrasse et promissis minus satisfecisse iudicent. Qui nos minus vituperandos putabunt, si cogitauerint, olim, vt inter omnes fere populos antiquos, sic inter Germanos quoque reipublicae atque militiae iura arctissime fuisse coniuncta et ipsas ciuitates ab initio haud dubie vel bellorum aliis inferendorum vel hostium a patriis finibus arcendorum causa constitutas fuisse. Hinc rerumpublicarum ratio militaris erat et regimen ciuitatis, leges, iudicia iuraque singulorum hominum suam indolem ex militia capiebant. Germani vero, prout vel perpetuis bellis agitabantur, vel longiori pace gaudebant, in rebus domesticis et bellicis diuersas sequebantur rationes. Vnde, quamuis inter omnes Ger-

maniae populos id moris erat, vt omnes ac singuli ci-
vies, armis dum erant idonei, militarent: tamen, quod
iam olim obseruauimus, ^{a)} in iuribus et institutis gen-
tium Germanicarum, et publicis, et priuatis, haud leue
discrimen reperiebatur. Aliae enim, quae remotae et
secretae degebant ab iis regionibus, vbi tunc fere con-
tinua bella gerebantur, fixis domiciliis vsae, paci et
agriculturae studebant. ^{b)} Hi neque milites, neque
duces perpetuos habebant, sed singulis bellis a populo
decretis duces eligebant, nullo tamen imperio muni-
tos; ^{c)} suprema potestas penes populum erat, et sua^e
quisque domus princeps et moderator; iura sibi ipsi
per pacta inter ciues inita condebant, ^{d)} non a regi-
bus constituta accipiebant; familiae et propinquitates,
vt in acie turmas et cuneos, ^{e)} sic in ciuitate singu-
las societates constituebant arcte coniunctas, quae pro-

A 2

a) V. Diss. nostrae de vi militiae
herib. etc. Exercit. I. p. 7 ls. et I.
Moeseri Osnabr. Gesch. tom. I. Sect.
I. §. 6.

et agricultura prohibebantur. V. quo-
que Tacitum de mor. Germ. cap. 16.

c) Tac. l. c. cap. 7.

d) Hinc eadem vox, quae pactum
et matrimonium significat, legum
quoque nomen est, *Ewa* scilicet, seu
Epha et *Ehe*, quam interpres legis
Salicae antiquioris, per *pactum* latino
sermone expresserunt. v. I. G. Ec-
cardi comm. ad leg. Sal. ant. in Can-
ziani legibus Barbarorum. tom. II.
p. 85. nota 8.

e) Tac. l. c. c. 7.

prio Marte iniurias sociis illatas vindicare et defendere; iura reddere et omnia communiter agere consueuerant. Praecipue vero huic populorum generi eos adscribendos esse puto, qui Hercyniis montibus, Albi Rhenoque fluminibus interpositi, vel aliis montibus, fluviis paludibusque circumdati, ab hostibus defendebantur, vti Chauci, f) Saxones, Frisiones, Angli, Verini, Reudigni, aliquie, in quibus fluminibus aut siluis munitis, Tacitus, quidquam notabile esse, negat, g) quippe nec bellicis, nec politicis artibus claris; neque minus iisdem plures populos Francorum foedere comprehensos adnumerandos esse putauerim. h) Partim enim acceperimus, hasce gentes liberas olim respuplicas habuisse, nullis regibus Ducibusue subiectas; i) partim, quia

f) Quos quidem Tac. l. l. c. 35. memorat, quietos secretosque nulla provocare bella, nullis latrociniis populari et magnitudinem suam iustitia tueri male; promta tamen omnibus arma et si res poscat exercitum etc. Cf. Conrad Mannert *Geographie der Griechen u. Römer*, tom. III. p. 306.

g) Tac. c. l. c. 40.

h) Non solum enim leges Saliorum et Ripuariorum mirum, quam tam similitudinem habent cum ceteris legibus gentium septentrionalium, sed ipse Gregorius Turon. quoque lib. I. Annal. c. 9. apud Du Chesne tom. I. Scr. R. G. p. 277. ex antiquis scriptoribus tradit, Fran-

cos olim reges habuisse nullos, sed Duces modo, belli tempore militibus praefectos.

i) V. quae collegit et notauit Io. Nic. Hertius in *notitia veteris Germ. populorum*. Gies. 1709. 4. p. 111. 123. 134. Haad quidem negari potest interdum inter hasce gentes quoque reges inueniri, sed aut seniori demum aeuo occurunt, velut inter Frisiones, aut a populo creabantur et in tutela eius constituti erant nec vero proprio et perpetuo iure ciuitates regebant; quod de regibus Anglo-saxonum probant *Indicia ciuitatis Londoniensis* in Dau. Wilkius *legib. Anglosaxone*. Lugd. 1721. p. 21. Regis

bellis et hostibus minus vexabantur, perpetuo milite et duce haud aequa egebant, atque ii, qui sempiternis bellis erant implicati.

Alii quidem populi, Suevi, ^{k)} Marcomanni, Quadi, ^{l)} Langobardi, ^{m)} Chatti, ⁿ⁾ caeterique medias et meridionales Germaniae partes incolentes, cum perpetuis hostium adgessionibus turbarentur, hinc gentibus Germanicæ stirpis vrgentibus, illinc legionibus Romanorum obstantibus, et militia fortiori et republica firmius composita opus habebant: quare, ne bellorum studia negligenter, agriculturam contemnebant: vtebantur regibus vel ducibus bellorum, qui vitae necisque potestate pollerent, nec raro proprio, ac velut hereditario iure regnarent, licet in pace haud prorsus infinita iis esset protestas: quotannis populi pars bellandi causa educe-

aestimatio capitis est apud Anglos iuxta ius gentium XXX mille Thrymsarum; XV mille thrymsae sint pro ipsis capitatis aestimatione et XV mille pro regni; aestimatio capitis competit cognatis et compensatio regia populo. Inter reliquos populos, Alamannos, Baiuvarios, atque, sub regibus quidem, inter Francos, Duxum aut regum nulla erat compositionis, sed perduelles et rei criminis laesae maiestatis vel capite puniebantur, vel ex arbitrio Duxum Regumne de iis agebatur. Lex Saxon. tit. III. §. 1. L. Alam. tit. XXIV. L. Baiuuar. tit. II. cap. 1 et 2.

^{k)} Caesar. de B. G. lib. IV. c. 1.

^{l)} Tac. c. l. c. 42. Moeser c. 1. p. 8. Mannert c. 1. p. 143 ss.

^{m)} Tac. c. l. c. 40.

ⁿ⁾ Tac. c. l. c. 30. *Duriora genti corpora, stricti artus, minax vultus, et maior animi vigor. Multum (vt inter Germanos) rationis ac solertiae, praeponere electos, audire praepositos — quodque rarissimum, nec nisi ratione disciplinae concessum, plus reponere inde, quam in exercitu etc.* Mannert c. 1. p. 234.

batur, caeteri vero, qui domi remanserant, se atque illos alebant. ^{o)}

Inde vero diuersa ciuium iura nasci debuisse, quis est, quin videat? Nam illis gentibus, quia domi forisque omnium securitas non a principe vel a magistratis sperabatur, sed a singulorum ciuium virtute et defensione pendebat, imprimis hoc curae esse debuit, ut ne opibus viribusque singularum familiarum exhaustis homines indefensi manerent; hinc, ne militibus deessent, quibus se in pace et bello sustentarent ac tuerentur, bona familiarum continere et seruare, ut qui maxime, studebant; quicunque semet ipsi defendere haud poterant, eos perpetuae tutelae subiiciebant; caeterum omnes plenissima libertate fruebantur et pleraque iura seruabant, quibus et extra societatem homines vsos deprehendimus. Reliqui vero populi bellicosi, siue regibus subiecti, cum partem publicae potestatis magistratis commisissent, plus que interdum in duce, quam in exercitu reponerent; ^{p)} neque ciuibus tantum auctoritatis et honoris tribuebant, quantum illi, neque seruandis familiarum societatibus tantam curam impendebant, neque, cum po-

^{o)} Caesar c. l. lib. IV. cap. 1. 25. 26. Hertius c. l. et Mannert lib. VI. cap. 21 ss. Tac. c. l. c. 7. c. l. initio tom. III.

^{p)} Tac. c. l. cap. 50.

pulus omnis milites aleret, de continendis ciuium opibus valde laborabant. Mores autem earum gentium procul dubio maxima ex parte seruarunt Alamanni, Baiuuarii, Longobardi et alii, qui postea vel has sedes obtinuerunt, vel inde profecti peregrinas terras occuparunt; ^{q)} eodem modo, quo populi septentrionem versus habitantes, Saxones, Angli, Verini atque Frisiones, priscas consuetudines, diligenter collectas legibusque suis, etsi sub regibus demum conscriptis, comprehensas, in obliuionem venire haud passi sunt. Quare licet regno Francorum condito et per omnes fere nationes Germanicas extenso, rerum omnium facies vehementer immutaretur; regibus et optimatibus mox infinita prope potestas nasceretur; ciues, suis iuribus priuati, contemnerentur et opprimerentur; familiarum denique societas dissoluerentur, ac paullatim iurum priuatorum noua prope indoles enaseretur: tamen legibus populorum vtrorumque diligentius collatis, maxima iurum tam publicorum, quam priuatorum facile appetit diuersitas, quae quidem tam altas egit radices, vt vel ad nostrum usque aeuum distinctio inter terras iuris Saxonici atque Franconici seu Sueuici seruata sit. ^{r)}

^{q)} v. Hertium c. I. p. 94. 150. ^{r)} v. Aur. Bullam c. V. Pfeffingeri Vitr. illustr. tom. III. p. 595.
167. L. Baiuu. tit. II. c. 20. Moeser. c. I. p. 10.

At vero cum in animo nobis non sit, omnia ac singula Germanorum iura perscrutari, vel iustum aliquod eorum sistema condere, quod neque rationi huius libelli, neque virium nostrarum imbecillitati conuenire videtur, id tantum agendum esse putauimus, vt, quantum per temporis huiusque loci breve spatium licuerit, ex antiquis monumentis ea maiorum nostrorum iura collecta proponamus, ad quae efformanda militia plurimum valuisse videatur, in iisque singulis describendis temporum morumque vicissitudines obseruemus. In qua quidem re, propter inopiam, vel obscuritatem veterum monumentorum satis difficulti, si forte eruditis viris studium meum minus probauero, cogitent quae so, me non inflatum vana aliqua superbia ad hoc opus aduolasse, sed ne timidus laborem subterfugisse viderer, rem semel coeptam continuare voluisse, hac quidem spe fretum, fore, vt, sicubi a vero aberrauerim, meliora me edoceant, sin quaedam aliis minus obseruata protulerim et rectius exposue- rim, ea aequi bonique consulant.

SECTIO SECUNDA.

DE

VI MILITIAE HERIBANNARIAE IN IVRE GERMANICO PRIVATO CONSPICVA.

§. 1.

*De ciuium ordinibus per militiam heribannariam vel
constitutis vel immutatis.*

Quod in omnibus fere populis, ex singulis familiarum societatibus recens demum collectis, euenisse videmus, ut antiquam disciplinam hominumque et iurium aequalitatem, quantum fieri posset, sibi seruarent, id apud Germanos quoque olim factum esse suspicari licet. Et enim cum primum haud dubie ea mente in ciuitates coirent, ut ab incursionibus et populationibus hostium se suasque res conjunctis omnium viribus melius defendarent; quicunque eadem gente natus armis ferendis parerat, in societatem huius foederis veniebat, iisdemque,

B

quibus caeteri, iuribus in decernendis bellis et delibera-
randis publicis negotiis vtebatur, nec fieri potuit, vt re-
liquos vnum praecelleret, nisi quem ipsa ciuitas praeci-
pua dignatione ornasset. Nihilo vero secius relatum
legimus, ab antiquissimis inde temporibus Germanos
diuersis ordinibus fuisse distinctos. Erant enim nobi-
les, primas in republica partes tenentes; erant ingenui,
illis quidem paullo inferiores, at liberi tamen, et ciuita-
tis, et militiae iuribus haud minus atque nobiles fun-
gentes; erant denique liberti atque serui, quorum raro
momentum aliquod in domo, numquam in ciuitate es-
set. Cum autem nec huius loci, nec instituti nostri ra-
tio copiose nos de omnibus ordinum iuribus disserere
patiatur, nemo putarim hoc nobis vitio vertet, quod
omissis iis, quae doctiores olim de hisce rebus exposue-
runt, in eo praecipue laboremus, vt, quam vim militia
in illis, quos diximus, hominum ordinibus efformandis
commutandisque exseruerit, indagemus et inuestigemus.

Constat autem, inter plerosque Germanos primum
locum obtinuisse Nobiles, seu, quos Saxones vocabant,
Athalinges. Ex nobilibus enim reges creatos esse legi-
mus; ^{a)} iidem, quippe viri principes, in administran-

^{a)} Tac. c. l. cap. 7. Quem qui-
dem morem, cum maxime gentibus
attribuendum esse crediderim, qui
perpetuis regibus vtebantur, ac ple-
rumque ex vna tantum familia no-
bili reges sibi creare solebant, velut
Quadi, Marcomanni, Baiuarii alii-
que; tamen aliquo modo omnium

dis rebus publicis praecipua auctoritate pollentes, res minoris momenti per se soli decernebant et ipsa graviora quoque negotia, priusquam in concilio vniuersi populi ad deliberandum proponebantur, inter se tractabant; ^{b)} post introductas autem criminum certas mulctas seu, quas dicunt, compositiones et constitutas hunc in finem singulorum hominum aestimationes, si quis nobilem interfecisset, aut iniuria aliqua affecisset, ei longe maior mulcta, quam aliorum delictorum reis, legibus erat proposita. ^{c)} Neque haec aestimatio singulis tantum hominibus, dum viuerent, propter munus aliquod forte tribuebatur, sed quicunque nobilibus ex parentibus erant procreati, iisdem honoribus gaudebant, ipsaeque feminae nobiles maioris pretii habebantur, quam reliquae, quamvis ingenuis parentibus prognatae. ^{d)} Quin inter Saxones, ut relatum accepimus, ^{e)} tanta fuit nobilium dignitas, ut ingenui

B 2

Germanorum communem fuisse puto, ita, ut siquos reges habere vellent, eos ex nobilibus crearent, magis velut huic muneri idoneis. Ideo Gregorius Tur. etiam Francos, cum reges expeterent, de prima et (*vt ita dicam*) nobiliori suorum familia eosdem creauisse narravit. Annal. lib. II. c. 9. apud Du Chesne tom. I. p. 277.

b) Tac. G. c. 11.

c) Lex Frision. tit. I. et Epilog. legis. Lex Anglor. et Verin. tit. I.

II. III. IV. X. Lex Saxon. tit. II. §. 1. Capitul. Saxon. cap. 3 et 5. Capitulatio de part. Sax. c. 15. 20. 21.

d) Lex Frision. tit. IX. §. 1. Lex Anglor. et Verinor. tit. X. §. 5.

e) Adamus Brem. lib. I. c. 5. ex edit. I. I. Maderi. Helmst. 1670. p. 8. *Quatuor igitur differentiis gens illa consistit, nobilium scilicet et liberorum libertorumque atque seruorum. Et id legibus firmatum, ut nulla pars in*

caeterique homines, ex inferioribus populi classibus orti, qui nobiles vxores duxissent, capitali poena afficerentur. Hunc generis eximium splendorem, etsi non certo constat, quaenam causae nobilibus compa- rauerint, id tamen per militiam in primis factum esse, non est, quod dubitemus. Nequè enim solum rerum publicarum, praecipue belli gerendi causa instituta- rum, ratio id postulabat, vt militum ducibus iisque, qui bellica virtute inclaruissent, eminentior locus in ciuitate assignaretur; sed Germanorum quoque bellicosum ingenium, quod fortis viros summo honore dignos semper iudicauit. Itaque illi insignem gloriam nacti deque ciuitatibus bene meriti, maxima gaude- bant aestimatione, consiliis et auctoritate ciuium ani- mos quocunque vellent facile flectebant, res publicas gubernabant, nec raro defuncti liberis quoque praeci- puam dignationem relinquebant. f) Nobilitatis autem

*copulandis coniugii propriae sortis ter-
minos transferat, sed nobilis nobilem
ducat vxorem et liber liberam, libertus
coniungatur libertas et seruus ancillae.
Si vero quispiam (horum sibi non con-
gruentem et genore praestantiorum) du-
ixerit vxorem cum vitæ suæ damno com-
ponat. Cfr. Legis Saxon. tit. XVIII.
et capitulat. de part. Saxon. §. 20,
vbi mulcta in eos statuta est, qui
matrimonia prohibita et illicita inierint,
quem locum Car. Guil. Gaetnerus
in notis ad h. l. ap. Canziani tom.*

III. p. 60 et 68, illum Saxonum morem ab Adamo relatum spectare putat.

f) Tac. c. l. c. 13. *Insignis no-
bilitas aut magna patrum merita, prin-
cipis dignationem etiam adolescentulus
assignant.* v. I. F. Runde or. de
vera nobilitatis notione. Goett. 1793,
pag. 13 ls. Hanc nobilitatis origi-
neam forte et ipsum Athalingorum no-
men suadet, quod a voce antiqua
Athal, eximus, vel a voce *Aeth* s. *Eih*,
genus equidem deriuandum esse puto,

et acquirendae, et augendae ansam iuuenibus in primis praebuisse videtur comitatuum militia, cuius antiquior et crebrior vsus iis maxime populis erat, qui paci et agriculturae studebant ideoque difficultius nec sine magnis incommodis heribannariam militiam congregare poterant; quanto vero melius duces milites que comitatuum, armis se totos consecrantes, de ciuibus suis merebant, tanto maiori honore procul dubio habebantur digni et, quasi sanctiores reliquis hominibus, ab iniuriis tuti praestabantur. Idcirco etiam, quo minus quisquam eos occidere aut violare auderet, maioribus compositionibus muniebantur: neque liberis eorum, quippe virtutum atque studiorum paternorum heredibus et nobiliori velut sanguine procreatis, haec patrum aestimatio adimebatur, donec, moribus antiquitate firmatis, hereditario iure nobilitas a patribus liberis tradi coepisset. Nouimus quoque prae reliquis nobiles adolescentes in comitatibus falsisse atque si ciuitas, vnde orti essent, longa pace torperet, ultro petiisse eas nationes, quae tunc bellum aliquod gerent. ^{g)} Hinc ex iisdem, indies noua virtutum docu-

non autem a voce *Od* possessio. vide Chr. Lud. Scheidt *v. hohen u. niedern Adel.* Hanou. 1754. p. 10. nota I. Hachenberg *Germania media* p. 20. Adelung, Wachter et Halt aus in gloss. s. v. Edel.

^{g)} Tac. c. l. c. 14. Nobiles prae cipue comitatus amplos habuisse probare quoque videtur lex Sax. tit. XVII. cui cfr. Gaertnerum ad h. l. et leg. Sax. tit. II. g. 1. ap. Canz. tom. III. p. 41.

menta edentibus, plerumque et caeteri militum duces, quos ex sola virtute Germani sumere solebant, ^{h)} procul dubio eligebantur; quorum muneribus saepe a patribus ad filios translatis, haud parum incrementi familiis nobilium non poterat non ad crescere. ⁱ⁾ Deinde meritis illis plerumque accedebant opes lautiores, ^{k)} et auctoritas in administrandis ciuitatibus per comitum et ambactorum copias viresque comparata, quibus dignitatem nobilitatemque a populo tributam et augerent et seruarent.

Neque tamen, si diligentius vetera monumenta perscrutamur, inter omnes Germaniae gentes antiquas nobilium ordines conspicimus, sed tantum in iis populis, quos supra paci et agriculturae studuisse monuimus. Hinc inter Frisiones, ^{l)} Anglos, Verinos, ^{m)} Saxonesque ⁿ⁾ et inter colonias Anglorum et Saxonum, nauibus in Britanniam transuictas, ^{o)} inuenimus no-

^{h)} Tac. c. l. cap. 7.

ⁱ⁾ Moeser. c. l. Sect. I. §. 26.

^{k)} Id quidem, ni fallor, inde patet, quod in delicta a nobilibus commissa grauiores multiae statutae erant, quam in delicta caeterorum hominum. V. e. g. Lex Fris. tit. III. Capit. de part. Sax. c. 19. 20. 21. Capitul. Saxonum §. 5.

^{l)} Lex Frision, tit. I. et Epilog. legis.

^{m)} L. Engl. et Ver. tit. I. II. III. IV. X.

ⁿ⁾ Lex Saxon, tit. II. §. 1. Capit. Saxon. c. 3 et 5. Capitulatio de partibus Sax. cap. 15. 20. 21. Adam. Brem. l.c. Nithardi historia Francor. lib. IV. apud Schilter. in Script. ref. Germ. p. 105. Moeser. c. l. tom. I. p. 46. 86. 246.

^{o)} Leges Illotharii et Eadrici Regum ap. Wilkins c. l. p. 6 ls.

biles; in legibus autem reliquorum in Germania populum, Baiuvariorum, Alamannorum, Francorum, Marcomannorum Quadorumque nullos nobilium ordines videmus, ^{r)} sed singulas tantum familias, ex quibus reges aut duces sumebantur, generis splendore et honoribus eximiis fulgentes. ^{s)} Cuius quidem diversitatis inter mores Germanorum si causas quaesiveris, euidem eas etiam ex militia repetendas esse puto. Etenim cum inter gentes bellicosas illas, qua-

^{r)} Inter Baiuvarios quidem reperiuntur praeter Agilolfingos quinque familiae nobiles, quae proximae post illos dicuntur; tamen ordinem inferioris nobilitatis aliquem haud constituebant adeo potius Mannerti sententiam amplector, fuisse reges aut duces gentium, quae postquam cum Baiuvaris foederibus essent coniunctae et in unum quasi populum conflatae, tamen familias dum praecipuum honorem seruarent. v. leg. Baiuvar. tit. II. c. 20. et Konr. Mannert Freyheit d. Franken. Adel. Sklaverey. Norimb. et Altorf. 1799. p. 7.

^{s)} Tales erant in Baiuvaris, Agilolfingi. L. Baiuu. c. l. ac Decret. Thassilonis, c. I. §. 6. 9. Inter Marcomannos Quadosque TUDRI et Marobodui gens. Tac. de mor. G. c. 42. neque minus Cherusci ex una Arminii prole reges voluerunt. Tac. Annal. XI. 16. ac inter Alamanno quoque Ducatum proprio iure in vna familia mansisse leges

eorum probare videntur tit. XXXV. Francorum reges licet solenni ritu inaugurarri solerent et a populo confirmarentur, tamen semper ex gente Merouingica sumebantur, penes quam fere hereditario iure regnum erat constitutum. v. Agathiae Schol. de reb. Iustin. lib. II. apud Du Chesne tom. I. p. 241. Gregor. Tur. V. 21. ibid. p. 539. Gesta Dagoberti regis c. 14. et c. 46. ib. p. 576 et 587. quod de regibus quoque ex stirpe Carolina natis valuisse probat Capitul. Caroli Calui tit. XXX. c. 1. ap. Steph. Baluz. in Capitul. reg. Francor. tom. II. p. 233. Quia sicut dicit sanctus Gregorius et ex consuetudine olitana (i. e. antiqua) cognoscitur in Francorum regno reges ex genere prodarent, mihi a Domino genitore etc. — Cfr. de hac omni re Mannert. c. l. K. G. Anton Gesch. der deutschen Nation, tom. I. p. 113 fs. M. I. Schmidt Gesch. der Teutschen. lib. I. cap. 5.

les Sueios fuisse comperimus, perpetuo pars populi
in armis et in militia versaretur, minus erat, quo
singuli viri virtute et bellicis artibus de ciuitatibus ita
mereri tantosque honores sibi parare possent, quantos
liberi populi iis ex ciuibus attribuebant, qui, reliquis
domi manentibus agrosque colentibus, fines patios
ab hostium incursionibus defendebant; neque apud
bellicosas gentes aequa in vsu erant comitatus, qui-
bus apud reliquas adolescentes nobiles quotidie laudes
et honores suos cumulabant. Hinc illae forte num-
quam nobilium ordines habuerunt. Etsi vero inter
Alamannos, Baiuuarios, Francos caeterosque aliquando
nobiles fuerint, quod de Francis quidem, quia cae-
terum consuetudines eorum cum moribus gentium
liberarum, vt, quae maxime, congruunt, haud nega-
verim; tamen perpetuis regibus ducibusue creatis, qui
vel proprio iure regorum fasces tenerent, ac deper-
dita ciuium militumque heribannariorum pristina aucto-
ritate, in bellis decernendis et administrandis rebus
publicis olim conspicua, non potuere non nobilium
quoque honores, quippe per leges, a liberis populis
institutas, antea muniti, non vero principum placitis
attributi, paullatim obsolescere, quia non solum regum
haud intererat, eorum ordines seruari, sed, cum ex
nobilium auctoritate facile regum dignitati periculum

creari posset, ab iis opprimendi potius, quam sustinendi videbantur. Atque sic factum esse puto, vt ex legibus Francorum aliorumque mentio nobilium excideret, ^{r)} in eorum locum autem vasalli, ministri, amici, quin famuli regum ducumue succederent. Nam vti de temporibus antiquissimis Tacito auctore accepimus, inter gentes, quae regnarentur, libertos regum gratia et fauore saepe super ingenuos ipsosque nobiles adscendisse, ^{s)} ita seniori quoque aevo in populis regnatis et inter Francos praesertim, ii, quos reges amicitia sua, vel muneribus ornauerant, eminentiores obtinuerunt honores: ^{t)} indeque passim in monumen-

^{r)} Cfr. Moeser c. l. tom. I. p. 213 et de Gourcy über Freyheit u. Leibeigenschaft, übr. d. Adel etc. anter d. Merovingern u. Carolingern; übersetzt v. G. H. Oesterley. Goet. 1798. p. 240. licet hic multa alia sentiat.

^{s)} Tac. c. l. c. 25.

^{t)} Multis veterum legum constitutionibus haec eximia dignitas hominum, qui in clientela et ministerio regum erant, potest probari. Leg. Sal. ant. tit. XLIV. §. 1. ingenuus occisus CC sol. componitur, is autem, qui in truste regia est, DC. sol. eodemque pretio Grauijones interficti componuntur. (ib. tit. XLIV. §. 2. tit. LVII. §. 1.) Ita quoque crimen raptus in libera fēmina commissum XXX sol., in fe-

mina vero, quae in truste dominica est, LXII. sol. punitur. Cfr. etiam tit. XXIX. Lege Alamannor. tit. XXX. Missus Ducis tripliciter componitur et eodem rigere coēcentur delicta erga mulieres commissa, quae in ministerio Ducum sunt. (tit. XXXIII.) Capitularia Saxonum adeo capitalis poena in eos erat statuta, qui Comitem interfecissent, (§. 30.) caetera vero delicta in missis regis commissa triplici mulcta coērebantur (Cap. Sax. §. 7.) Lege Ripuar. tit. XI. Homines, qui sunt in truste regia DC. sol. componuntur et reliqua delicta triplici compositione solvuntur. Cfr. porro L. Ripuar. tit. LIII. Leg. Saxon. tit. XVIII. Concilium Bavariac. de ao. 772. ap. Canz. tom. II. p. 393. §. 7.

tis antiquis occurrunt nomina procerum, ^{u)} optimatum, ^{v)} aut maiorum, vel primorum natu, ^{w)} et potentium; ^{x)} rarius autem nobilium nomen reperitur. Optimates autem, quantum eidem noui, nullum ordinem constituebant certum, vti nobiles reliquarum gentium, qui propter solam nativitatem compositione maiori gaudebant, nec, qui parentibus natus erat proceribus, propterea et ipse eadem hac maiorum dignatione fruebatur. Immo vero propter munera, quibus fungerentur, vel propter aulicos honores et beneficia a regibus ipsis tributa, optimates maiori quidem, quam reliqui ciues compositione honorati erant, atque diuitiis et auctoritate praecellebant ingenuos omnes: praeterea vero solos procerum natales velut nobiliores compositionem maiorem tribuisse, in legibus Francorum legere haud memini, licet negare non ausim, patrum diuitias atque auctoritatem filiis quoque maiores plerumque honores et eminentiorem dignitatem attribuisse. ^{y)} Paullatim vero proceres in

^{u)} Gregor. Tur. lib. IV. c. 6. ap. Du Chesne tom. I. p. 404. Idem Du Chesne t. I. p. 309. Aimoinus V. 35. ib. p. 542.
de gest. Franc. lib. I. ibid. t. III. p. 11.

^{v)} Decretio Childeberti regis in prologo, ap. Canz. tom. II. p. 115.

^{w)} Gregor. Tur. VIII. 30. ap. Aimoin. c. I. ap. Du Chesne t. III. ^{x)} Inde nonnumquam liberi nobilium s. procerum memorantur.

regno Francico ad tantum potestatis et auctoritatis fastigium sunt elati, ut rem publicam fere omnem pro libertu regerent, prope regibus ipsis superiores. Non solum enim mox soli in comitiis aderant, quae populus vniuersus olim habuerat, ipsique cum regibus ibi iura condebant, leges ferebant aliaque omnia pro populo agere consueuerant; ^{z)} sed vero etiam praecipua quaeque munera, ac militaria praesertim, soli capessabant iisque ad opes suas augendas et vires corroborandas quam maxime vtebantur. ^{a)} In qua quidem re praecipue regum liberalitate et immutata militiae disciplina adjuti videntur. Cum enim heribannarii milites, nisi bellum ipsi decreuissent, ad signa con-

C 2

p. 10. Capit. Caroli III. tit. 1. ap. Bal. II. 293. Monach. San Gallensis lib. I. c. 3. ap. Du Chesne II. p. 103. — Vos nobiles, vos primorum filii — in natales vestros et possessiones confisi etc.

^{z)} Edict. Chlotharii R. II. c. 24. ap. Bal. I. p. 24. Quicunque vero hanc deliberationem, quam cum pontificibus vel tam magnis viris optimatibus aut fidelibus nostris in synodali concilio instituimus etc. Prologo. Capit. I. Karolomanni Princ. ap. Bal. I. p. 145. Capit. Suessionense Pippini princ. ap. Baluz. I. p. 155. Conuentus apud Andelaum ib. p. 11. Decret. Childeb. R. in prologo cit. Prol.

legis Salicae reform. ap. Canz. II. p. 121. Gesta Dagoberti R. c. 14. 40. 46. ap. Du Chesne I. p. 576. 584. 587. et al. Cfr. Mannert *Adel etc.* p. 195. 179.

^{a)} Vita S. Rictrudis ap. Du Chesne I. p. 654. Fredegarii chron. c. 27. ib. pag. 747. Theganus de gestis Ludou. Pii c. 20. ib. tom. II. p. 279. Eginhardi vita Caroli M. ib. tom. I. p. 747. Capit. Caroli M. de ao. 802. c. I. ap. Bal. I. p. 363. Marculfi form. lib. I. 3. ap. Canz. II. p. 191. Fragm. Paulli Warnefridi ap. Du Chesne tom. II. p. 204.

vocari nequirent, ^{b)} atque, conuocati tandem non sine magna molestia, plerumque plus damni et detrimenti sociis, quam hostibus inferrent; ^{c)} reges ut nouas sibi pararent copias, quae non rogatae, sed iussae militiam facerent; beneficiarias legiones instituere earumque et numerum et vires indies augere coeperunt. ^{d)} Inde milites beneficiarii, bellicis artibus melius imbuti et armis vestibusque splendidioribus ornati, quam heribannarii milites, qui, si quando congregati essent, pauperes et inconditi, vix armis instructi, contemtui erant atque despectui, paullatim ita sunt elati, ut ciuibus exspoliatis et oppressis, ipsaque regum dignitate vehementer imminuta, tandem postquam munera militiae heribannariae, Ducum, Comitum et reliqua proprio iure retinere coepissent, principum et nobilium superiorum ordines conderent. ^{*)}

Reliqui homines inter omnes Germaniae gentes olim in liberos atque seruos describi solebant. Seruo-

^{b)} Cfr. Mannert c. I. p. 184. 186. 248. 250. 314. Dis. nostrae Exerc. I. 24.

^{c)} v. e. g. Gregor. Tur. VI. 51. VIII. 30. ap. Du Chesne I. 366. 404.

^{d)} Inde iam sub Theodoberto R. leudium s. militum beneficiariorum tanta vis erat, ut cum bellum a Childeberto et Chlothario regibus ipsi

inferretur soli leudes eum defendarent et in regno stabilirent. v. Gregor. Tur. III. 23. ap. Du Chesne I. p. 303.

^{*)} V. Ant. Dad. Alteserra de *Ducibus et Comit. Galliae*, Tolosae 1643. Lib. I. c. 5. Prima, eaque haud obscura huius rei vestigia occurunt in Capit. Caroli Calu tit. LIII. c. 9. ap. Bal. tom. II. p. 263.

rum autem etsi conditio longe melior erat, quam mancipiorum apud Romanos,^{e)} nulla tamen in ciuitatibus ratio habebatur, nisi quod eorum etiam, ut reliquorum hominum, compositiones per leges statutae essent.^{f)} Igitur potius domus partes videbantur, quam reipublicae, ac, si quis eos occidisset, non agnatis aut propinquis, sed dominis mulcta soluebatur.^{g)} Liberi vero, prout vel ingenue nati, vel ex seruitute manumissi erant, diuersis iuribus vtebantur. Nam libertinos multum supra seruos fuisse Tacitus negauit, raro aliquod eorum momentum in domo, numquam in ciuitate fuisse prodens, exceptis dumtaxat iis gentibus, quae regibus essent subiectae.^{h)} In liberis autem populis ingenui, penes quos solos ius ciuitatis ac militiae erat, maximo honore summaque libertate fruebantur. Inde res publicas sua voluntate regebant et administrabant, bella decernebant, duces eligebant, domi vero res omnes pro lubitu plerumque agebant et componebant, nullis magistratibus legibusue circumscripti. Propterea ingenuorum hominum occisio grauiori poena expiari debebat, quam seruorum, aut libertinorum et, quo

e) Tac. I. c. 25.

mini seruos occisos aestimabant. L.

Fris. tit. IV. §. 1.

f) L. Angl. et Ver. tit. I. §. 4.

g) L. Fris. c. 1.

L. Saxon. tit. II. §. 4. Lex Sal.

h) Tac. c. 1. c. 25.

reform. tit. XLI. L. Ripuar. tit.

VIII. XIX fs. Apud Frisiones do-

prior ingenuorum sanguis seruaretur, ii, qui seruas vxores duxissent, saepe in seruitutem detrucebantur, i) et vel liberi, ex propriis ancillis procreati, in seruitute erant paternaे hereditatis expertes. k) Ciuitatis autem et libertatis iura ex sola natuitate, non ex opibus praediisque aestimabantur; quod quidem contra eos monendum esse putauit, qui liberoruim hominum dignitatem ex praediorum fundorumque conditione peperdisse contenderunt. l) At vero supra iam monuimus, m) omnes ingenuos homines, vbi necessitas exigeret, mili-

i) L. Sal. ant. tit. XIV. §. 11. tit. XXIX. §. 5. L. Anglor. et Ver. tit. X. §. 5. Adam. Brem. I. 1. Cf. L. Sal. ant. tit. XIV. §. 6. L. Alam. tit. LVII.

k) Marculf form. App. form. 47. ap. Canz. tom. II. p. 264.

l) I. Moeserus scilicet in Hist. Osnabr. saepius cit. tom. I. p. 35 ss. non nisi maiorum fundorum dominos, quos *Wehren* vocat, et in conciliis populorum liberorum et in militia locum habuisse contendit; caeteros autem, qui pusillos agros possiderent (*unwehriges Gut*) nec caput ciuile habuisse, nec suffragia in comitiis ferre, nec militiam facere potuisse, atque sic ciuium dignationem a praediis peperdisse adiungit p. 43. In eundem errorem quoque Eccardus aliique cecidisse videntur, qui nomen Athalingorum ex barbata voce *Od.* possessio, deducere voluerunt.

v. Eccardi notas ad l. Sal. ant. ap. Canz. tom. II. p. 38. Scheidt c. I. — Quorum quidem sententiae accedere nequeo. Nam si ita fuisse praediorum domini, ut qui caeteros ciues auctoritate tantopere superarent, non potuissent non maiore quoque compositione vti: at vero nusquam hoc ex legibus antiquis extorquere poterunt. Unicum habemus exemplum inter Francos, vbi Romani, qui praedia possiderent, maiorem compositionem accepérant, quam reliqui Romani, quia eminentiorem quasi in republica locum obtinerent, quam reliqui, quibus, ut deyictis subtisque, Franci barbaros longe praeferre solebant. (L. Sal. ant. tit. XLIV. §. 7 et 15.)

m) V. Diss. nostrae Exerc. I. p. 9 et 50. vbi addas: Capit. Caroli Calui tit. IX. c. 5. ap. Bal. tom. II. p. 44.

tasse adeoque omnes ciues, cum onera aequa ferrent, iuribus etiam aequis esse gauisos. Hinc non nisi pluribus saeculis post, feudali nexus vbiique locorum introducto, hoc factum esse reor, vt praediis quaedam iura et onera imponerentur, quae ad vnumquemque eorum possessorem translata, conditionem et statum eius vel augerent, vel minuerent. ")

In gentibus autem, quae regnabantur, procul dubio ciues militesque iam ab antiquissimis inde temporibus haud tanta libertate fruebantur, quantam reliqui populi ciuibus tribuebant, quod et natura regnorum suadet et illa defendant, quae Tacitus de libertinorum iuribus in regnis competentibus memoriae prodidit. Inde nec in rebus publicis gubernandis, nec in priuatis causis tractandis suo omnia arbitrio statuere poterant, sed regibus, magistratibus et iudicibus erant subiecti, qui leges aut ferrent, aut iuberent, crimina punirent, litesque et iurgia dirimerent. Eadem vero sortem paulatim, postquam reges perpetuos sibi praefecissent, liberae quoque gentes sunt expertae; ac Franci quidem, crescente regum et optimatum potentia magis magis-

n) Hoc quidem antiqua paroemia iuris Germ. significare videtur: Frey d. teutschen Rechts in Sprüchwörtern. IIte Abtheil. No. 16. Ipse Moese-

rus quoque alio loco huic nostrae opinioni quodammodo accessit in El. Patriot. Phantasien. Edit. IIda. Berol. 1778, tom. II. p. 203.

que libertate priuabantur, vt, qui modo ciues fuerant, summas regni partes obtinentes, mox subditi regum et optimatum euaderent, adeoque, per militiae sumtus et magistratuum iniurias opibus bonisque exspoliati, non raro ad extremam egestatem et ipsam seruitutem deprimerentur. Scilicet prolatis regni finibus, militia heribannaria longe maiores exigebat impensas, quam olim, cum proprios quisque penates defendebat et vxores pugnantibus ex propinquuo cibos et hortamina adferebant, ^{o)} ac vna saepe militis instructio prope omnem rem familiarem eius absorbebat. ^{p)} Accedebant hisce ciuium aerumnis multiae, vt tunc res erant, admodum graues, regum arbitrio in eos statutae, qui vel ipsi ad militiam vocati defuissent, vel delectum subterfugientibus opem tulissent; ^{q)} quibus quidem soluendis si bona militum haud sufficerent, donec debitum satisfactum esset, magistratibus seruire cogebantur, ^{r)} et in eo nexus constituti, sicut reliqua mancipia, dominis operas praestare debebant et noxae dari poter-

^{o)} Tac. c. l. c. 7.

^{p)} v. Difs. nostrae Exercit. I. p. 28. et leg. ibi laud.

^{q)} V. ibid. p. 53 et 54. Quam graues autem haec multiae fuerint, id optime intelliges perfectis Leg. Ripuar. tit. XXXIV. §. 11. et Capitularis Saxon. c. 11. vbi pretium

solidorum constituir, et singulae res, quae tunc erant plerumque in patrimonio hominum, aestimantur.

^{r)} Capit. Caroli M. I. de ao. 810. c. 11. Capit. H. de ao. 812. c. I. ap. Bal. tom. I. p. 474 et 493. Lex Longob. Lib. I. tit. XIV. §. 15. Capit. Lib. IV. App. II. c. 29. ap. Bal. I. p. 797. et cetera. ~~ad illa~~

riant. ^{s)} Ita quidquid dignitati opibusque ingenuorum esset detractum, id proceribus regiusque magistratibus ad crescebat, qui mox auctoritate et muneribus mandatis ad plebem flebili modo opprimendam abuti coeperrunt. Inde per legentibus nobis antiquos legum et historiarum codices vbius occurrunt argumenta, quibus miseram ciuium conditionem docemur. Nimurum Duces, Comites caeterique magistratus, utroque, tam militari, quam iudicario muniti imperio, ^{t)} quos vellet, milites conscriperunt, neque eos, quos leges immunitate donassent, minus, quam reliquos ad signa vocarunt; qui dona magistratibus largiri noluissent, eos vel effictis iudicariis causis condemnarunt, vel adeo vexarunt militia, ut ad paupertatem depresso vel inuite se suaque omnia traderent. ^{u)} Alii Comites et prae-

^{s)} Capit. Lib. III. c. 29. Lex Baiuvar. tit. II. c. 1. §. 5. Capit. Caroli Calvi tit. XXXVI. c. 34. ap. Baluz. II. p. 192.

^{t)} Anon. vita Ludou. P. ad ann. 778. ap. Du Chesne II. p. 287. Schmidt Gesch. d. Teutschen, lib. II. c. 7. ap. ibid. ^{u)} Capit. Caroli M. III. de ao. 811. De causis, propter quas homines exercitalem obedientiam dimittere solent, ap. Bal. tom. I. p. 485. Quod pauperes se reclamant expoliatos esse de eorum proprietate. Et hoc aequaliter clamant super Episcopos

et Abbates et eorum Aduocatos et super Comites et eorum Centenarios. Dicunt etiam, quod quicunque proprium suum Episcopo, Abbatu, vel Centenario dare noluerit, occasiones querunt super pauperem, quomodo eum condemnare possent et illum semper in hostem faciant ire, usque dum pauper factus nolens volunt suum proprium tradat aut vendat; alii vero, qui traditum habent absque ullius inquietudine domi resideant. Deinde cap. 5. ibid.: Dicunt etiam alii, quod illos pauperiores constringant et in hostem ire faciant et illos, qui habent, quod dare possint, ad propria dimittunt. Capit. Caroli M. de ao. 812.

fecti, quid? quod et minores magistratus atque vasalli Comitum tributa, census et operas a ciubus ausi sunt exigere, ^{v)} neque raro vi metuque coactos ciues in servitatem detrudere et venundare consueuerant. ^{w)} Denique permulti homines, conterriti quotidiano fere eorum adspectu, qui vel militiae oneribus, vel magistratum iniuriis occumberent, omissa libertate ^{x)} se suasque res ecclesiis tradere maluerunt, quam paullatim iudicium et praefectorum artibus absumi. Hinc inter causas, quibus seruorum et hominum propriorum numerus olim adauctus est, praecipue quoque heribannariam militiam et reipublicae eidem adcommodatae

^{c. 5 et 6.} ap. Bal. tom. I. p. 491, — Quod quidam homines postquam secundum nostram iussionem sociis suis, qui in hostem perrexerunt de stipendia sua adiutoriorum fecerunt, iubente Comite vel ministerialibus eius propter se redendum pretium dederunt, ut eis domi remanere licuisset, cum illi in hostem ire non debeat, quia iam sociis suis constitutum a nobis adiutoriorum dederunt. Cfr. praeterea Capit. Caroli M. II. de ao. 805. c. 15. et Capit. III. eiusd. ai. c. 17. Steph. Bal. in Comment. ad Capitul. lib. I. c. 115. in Ei. Capit. Reg. Franc. tom. II. p. 1164.

^{v)} Constitutio Caroli M. in lege Longobard. lib. III. tit. XII. c. 1. Capit. Pippini regis Italiae de ao. 793.

^{c. 26.} ap. Bal. I. p. 559. Capit. Caroli M. V. de ao. 805. c. 17. ibid. p. 400.

^{w)} Vita St. Boniti ap. Du Chesne tom. I. p. 635. — Causas ipsi commissas ea ratione peroravit, vi non tam index, quam sacerdos esse videretur. Neque enim, vt more illic comparatum erat, homines venundari, aut exilio muletari, vel captiuos detineri unquam iussit etc.

^{x)} Etiam illi homines, qui seruata libertate alienos agros colabant, nec proprios fundos possidebant, minori habebantur, quam reliqui ingenui, et a testimonio in causis ingenuorum dicendo arcebantur. Vid. Capitul. Ludou. P. de ao. 829. c. 6. ap. Bal. tom. I. p. 671.

rationem equidem referendas esse puto, ^{y)} quippe quae tantopere laborauerint in diminuendo numero hominum ingenuorum, vt iam tunc, cum Ludouicus Pius sub auspiciis imperii legatos per prouincias mitteret, qui diligenter inquirent, quidquid a magistratibus Carolo M. regnante iniuste perpetratum esset; innumeram hominum multitudinem reperiaretur a magistratibus aut ablatione patrimonii, aut exsolatione libertatis oppressorum. ^{z)}

De statu familiarum iuribusque Germanorum inde oriundis.

Inter liberas gentes, quae rempublicam consilio viribusque omnium hominum ingenuorum, quos ciuitas armis suffecturos probasset, et administrare et defendere consueuerant, horum ipsorum, vt in publicis, sic in priuatis quoque rebus, non potuit non summa libertas atque auctoritas nasci, cuius praecipuum hoc

D 2

^{y)} Cfr. praeterea de hac re: Hengewisch *Gesch. d. Regierung Carls d. Gr.* 2te Ausg. Hamb. 1791. p. 292. Mannert. c. I. p. 524. 351. et alibi. Moeser *Osnabr. Gesch.* tom. I. p.

246. 345. Meiners *Gesch. der Ungleichheit der Stände unter d. vornehmsten Europ. Völkern.* tom. I. p. 146.

^{z)} Theganus in vita Lindou. P. c. 15. ap. Du Chesne tom. II. p. 278.

esset argumentum, quod domi quisque paterfamilias supraea fere potestate frueretur, nullis legibus aut iudiciis circumscriptus. Liberis enim viris indignum et indecorum censebant, sub ullius, praeterquam Deorum immortalium, esse potestate. Hinc a ciuibus, munieris alicuius honore elatis, eos verberari, vel vinciri haud licebat, bonique mores plus inter eos valebant, quam alibi bonaee leges.^{a)} Singulae igitur famiae gentesque procul dubio olim singulas et priuatas societates constituerunt et ipsae respublicae speciem quasi plurium ciuitatum prae se tulerunt, uno foedere coniunctarum, quae, si discesseris a bellis publicis, omnium auxilio gerendis, laxioribus vinculis continebantur, quin saepe mutuis se turbis caedibusque lacesebant. Ideo Germanis tantum inerat studium vires familiarum augendi et amplificandi; tantoque gratiosior videbatur ipsis senectus, quanto plus propinquorum et affinium haberent.^{b)} Ac eadem haec gentis celebritas procul dubio causa fuit, cur nobiles nonnulli plurimis nuptiis ambirentur.^{c)} Quicunque ex eadem familia nati erant, rerum omnium communione fruebantur et ex praediis communibus alimenta capiebant. Principes autem familiarum, patres, filii,

^{a)} Tac. c. 1. c. 19.

^{b)} Id. c. 1. c. 20.

^{c)} Id. c. 1. c. 18.

patrui, vel auunculi, ^{d)} prout aetas, agnatio, aut virtus cuique hanc dignationem assignaret, res familiarum administrabant et ducum auspicumque munere fungebantur; iidem, populo ad bellum profecto, praerant propinquitatibus et familiis, quae ne in acie quidem per ordines exercituum dispergebantur, sed in vnum collectae quasi corpus turmas et cuneos componere solebant. ^{e)} Domi quisque paterfamilias domesticis iura reddebat, controuersias et iurgia componebat atque, propinquis agnatisque in consilium adhibitis, omnia, quae totius gentis interessent, curabat et agebat. ^{f)} Hinc vniuersa domus iniurias singulis illatas vlciscebatur, ac si quis ex propinquis extraneum aliquem offendisset, omnes vnum defendebant, armis et vulneribus potius, quam orando et postulando lites composituri. ^{g)} Caeterum patres liberos suos fratresue impuberes, feminas ceterosque domesticos tuebantur, alebant suaque potestate sic continebant, vt vel delicta ab iis commissa punirent, exceptis iis, quibus ciuitates ipsae violatae essent. ^{h)}

^{d)} Tac. c. l. c. 10. 20.

^{e)} Id. c. l. c. 7.

^{f)} Id. c. l. c. 18.

^{g)} Id. c. l. c. 21.

^{h)} Potestatem vitiae necisque in servos competentem et poenam adulterii, maritis et propinquis permissam Ta-

citus testatur c. l. c. 25 et 19; publica delicta vero a populo iudicata apparent ex cap. 12. De patria potestate, in liberos fratresque competente. Cfr. El. c. 13. Sed arma sumere non ante cuiquam moris, quam ciuitas suffectorum probauerit. —

Atque haec familiarum antiquissima iurā Germanis tam sancta visa sunt, vt ne tunc quidem ea plane tollerentur, cum, rerum publicarum vinculis arctius contractis, delictorum compositiones et iudicia introduci coepissent. Immo priscas consuetudines legibus munitas, iisque ipsam ciuitatum securitatem, domi forisque conservandam, maxima ex parte superstructam fuisse videamus. Nam priuatorum criminum vltiones priuatis plerumque relinquebant atque, ne bellis internis et caedibus familiae hominesue paullatim absumerentur, id vnum legibus sanciebant, vt non amplius vulneribus solum et sanguine inimicitiae extinguerentur, sed certo pecuniae, pecorumue, vel armentorum numero componerentur, quem, plerisque delictis praefinitum, etiam iudicium auctoritate consequi possent. ⁱ⁾) Condominia praediorum, quibus praecipue familiarum vires

*Haec apud illos rega, hic primus iuuen-
tac bonos: ante hoc dominus pars viden-
tur, mox reipublicae.*

ⁱ⁾ Haec scilicet, ni fallor, prima fuit compositionum origo veraque indoles, vt cum priscis temporibus transigeretur modo de redimentis iniuriarum vltionibus ac tantum solueretur, quantum litigantibus placuisset; postea, ne perpetuis bellis ciuitatis securitas in discrimen veniret, per pacta inter ciues inita, aut a viris prudentibus morumque

patriorum peritis, omnium delictorum certae compositiones constituerentur, quas criminum rei hominibus iniuria laesis, aut propinquis eorum soluerent. Tac. c. l. c. 21. Ipsa vero ciuitas aut reges caebant, ne quisquam eas multas soluere recusaret, ideoque partem mulctae accipiebant, cui, cum propter pacem reipublicae violatam penderetur, nomen *Fredi* datum est. Tac. c. l. c. 12. Moeser. Ostiabri. Gsch. tom. I. p. 22 fs.

et auctoritas sustinebantur, legibus muniebant et, quo minus turbarentur, feminas arcebant a possessione praediorum, solis agnatis seruatorum. Isti vero cum vita et anima simul iura familiae communia suscipiebant, ita quidem, ut qui iura agnationis omittaret, simul etiam condominio familiae priuaretur. Adeoque ciuitatum intererat, familiarum societas saluas esse, ut nemo nisi publice ex patria potestate exire vel agnationis iura tollere posset, dum in mallo et coram iudicibus pagorum, multis adhibitis solennitatibus, declararet, *quod se et de hereditate, et de iuramento, et de tota ratione propinquorum suorum tolleret.* ^{k)}

Singulis vero familiis etiamnum vnum praeerat, caeterorum princeps et caput quasi familiae, qui domesticos sua potestate comprehensos tueretur atque defenderet, praedia gentilitia administraret, iura reddebat caeteraque perageret, quae ad utilitatem domus spectarent. ^{l)} Quo quidem munere, cum in primis

^{k)} Lex Salica ant. tit. LXIII. ap. Canz. tit. II. p. 106. *Siquis de parentilla tollere se voluerit, in malum, aut in Tuncbinium admallare debet et ibidem quatuor fustes aluinios super caput suum frangere debet in quatuor partes et illas in mallo facere debet et ibi dicere: Quod se er de iuramento et de hereditate et de tota ratione illorum tollar: Et sic postea si aliquis de suis parentibus aut moriatur aut occideretur nulla ad illum compositio hereditatis perueniat. Simili modo si ille moriatur ad suis parentes non perireat causa nec hereditas eius, sed a modo cum duodecim iuratoribus se exinde educat.* Legge Sal. recent. ibid. p. 155. hereditatem eius homines fisco regis cessisse traditur.

^{l)} Lex Fris. tit. I. §. 7. tit. IV. §. 1. tit. XV. §. 3. Leg. Wittraedi Regis ap. Wilkins c.l. p. 11. Lex

patres fungerentur, post eorum obitum eos ex filiis, vel agnatis vsos esse suspicor, qui praedia in condonio familiae constituta possiderent. Id enim inter Anglos et Verinos saltem moris fuisse satis clare leges eorum demonstrare videntur,^{m)} quibus sanctum erat, ut heres terrae vestem bellicam defuncti et vltionem proximi et solutionem leuidis susciperet, siue filius esset defuncti, siue gradu remotior aliquis agnatus; quae quidem verba praecipua patrum familias antiqua iura comprehendunt, locum eminentiorem in militia, defensionem et vltionem iniuriarum, domesticis illaturum, et lucrum ex compositionibus percipiendum. Nec tamen semper familiae princeps solus compositiones et soluebat et accipiebat, sed vel ipse reus pendebat multas, vel proximi cognati et heredes compositiones defunctorum suscepiebant et soluebant.ⁿ⁾ Quin sequenti tempore, cum pro multis potius haberi coepissent, necessario soluendis, quam pro redemtionibus vltionum et bellorum, pacto promissis, ad ipsas feminas etiam peruererunt,^{o)} atque caput familae tunc demum

Sax. tit. VI. §. 3. tit. VII. §. 5. 4.
Lex Fris. tit. IX. §. 8—15. Leges
Aethelbirthi Regis ap. Wilk. p. 7.
§. 75. 81.
^{m)} tit. VI. §. 5. ap. Canz. tom.
II. p. 33. Cfr. etiam Capit. Ludou.
P. Wormat. de ao. 829. c. 4. infra
cit.

ⁿ⁾ Lex Fris. tit. I. §. 1. tit. XIV.
§. 6. Lex Aethelbirthi R. §. 33.
Leg. Aelfredi R. §. 8 et 27. apud
Wilk. p. 5. 36. 41. Lex Sal. ant.
tit. LXI et LXV.

^{o)} Lex Sal. ant. tit. LXI. Lex
Fris. tit. XIX. §. 2.

haud dubie tenebatur, si quis ex iis, quos in potestate sua habebat, feminae, serui aliquique delictum commisissent, nec ipsi satisfacere possent.

Quo minus autem hae familiarum societas ciuitibus aliquid detrimenti possent adferre, legibus simul erat institutum, vt patresfamilias domesticos a delictis et flagitiis cohiberent et, veluti vades et fideiussores, ciuitatibus pro eis cauerent. Ideo patres ex criminibus a domesticis perpetratis conueniri potuerunt, vt vel iudicio reos sisterent, vel damnum resarcirent, vel denique eos noxae darent. ^{p)} Eaque de causa domestici dicebantur in fide, ^{q)} iuramento ^{r)}, mundeburdo ^{s)} seu fideiussione ^{t)} patrum esse constituti, ipsi vero patresfamilias aliquando fideiussores familiae vocantur. ^{u)} Qui quidem obligationi vt eo melius satisficeret, potestas patribus data est, aut confirmata potius, antiquitus possessa, qua non solum rixas atque controversias motas dirimerent, sed delicta quoque singulis

^{p)} Lex Angl. et Ver. tit. X. §. 5.
Si seruus liberam feminam rapuerit,
dominus compositionem soluat ac si occisa
fuisset. tit. XVI. Omne damnum, quod
seruus fecerit, dominus emender. Lex
Fris. tit. XII. Lex Saxon. tit. XI.
Lex Sal. ant. tit. XXXVIII. §. vlt.
et tit. LXI. Lex Ripuar. tit. XXX.

^{q)} Lex Sal. ant. tit. LXL §. 2.

^{r)} L. Sal. ant. tit. LXIII.

^{s)} Leges Aethelbirthi Regis §. 75.
Leges Hlotharii et Eadrici R. §. 14.
ap. Wilk. p. 7 et 9.

^{t)} Leg. Cnuti Reg. §. 28. ibid.
p. 159.

^{u)} Leg. Cnuti. l. c.

hominibus illata punirent.^{v)} Videntur autem huic patrumfamilias imperio praeter seruos, libertos, feminas, quippe homines ciuili capite destitutos,^{w)} aliquo modo liberi quoque homines subiecti fuisse, ex eadem familia nati, qui, cum nihil bonorum ipsi possiderent, in aedibus agnatorum morabantur victumque et alimenta a principibus familiae accipiebant:^{x)} neque minus filii fratresque impuberes, quos ciuitas armis suffecturos nondum probauerat, sub imperio patrum fratrūmue versabantur. Nam, quod etiam per militiam factum esse puto, certus maioris aetatis terminus nusquam inter Germanos antiquos constitutus legitur, sed simul ac quisque eum animi corporisue vigorem esset adeptus, vt armis ac militiae laboribus par esset, ciuitas eum agnouit et locum in concilio ei dedit, vt, qui modo domus pars habitus esset, mox reipublicae esse

^{v)} Lex Fris. tit. III. §. 5—7.
tit. I. §. 13. tit. IX. §. 2. Lex Sa.
xon. tit. III. §. 3.

^{w)} Ideo quoniam feminae, serui et liberi fratresue impuberes non sui iuris, sed patrum fratrūmue potestati subiecti erant, nullum cum iis negotium valide potuit peragi, nisi domini patresue autores facti essent. L. Ripuar. tit. LXXIV. ap. Canz. tom. II. p. 317.

^{x)} Id, quantum video, patet pri-
mum ex tit. LXI. Legis Sal. ant.
vbi, postquam reus delicti bona sua
propinquū cessit, ipse in fide aliqui-
us ex agnatis constitutus esse dici-
tur; deinde vero etiam ex legibus
Aethelstani Regis §. 8. ap. Wilk.
p. 57. Et diximus, si quis terra ca-
rens homo in alio comitatu seruat et
deinde cognatos suos visiter et hoc modo
ab ipsis hospitio excipiatur, ut eum ad
ius ducent, si culpan commiserit, vel
compenserent.

videretur. 3) Ac serius demum, iudiciis constitutis, cum ciuiumi causae publica potius auctoritate decide-rentur, quam armis priuatorum, necessarium esse du-cebant, certos pubertatis annos definire, ante quos nemini suas res in iudicio peragere fas esset. 2) Ex iis-dem vero moribus antiquis et ex magno illo militum honore id quoque Germani forsitan retinuerunt, ut patria potestas per oeconomiam propriam a filio institu-tam soluatur, 4) quia sic et olim tutela ac patrocinium parentum procul dubio finiebatur.

Nonnumquam vero etiam alii homines ingenui in patrocinio et fide ciuium, locupletiorum forte et poten-

E 2

3) Tac. c. l. c. 13.

2) Lex Ripuar. tit. LXXXI. Si quis homo Ripuarus defuncsus fuerit vel interfucus et filium reliquerit, usque ad quintumdecimum annum plenum nec causam prosequarur nec in iudicio interpellatus responsum reddat. Quintadmo autem anno aut ipse respondeat, aut defensorem eligar. Similiter et filia. Huc spectat etiam Capit. Ludouici P. Wormatiense de ao. 829. cap. 4. ap. Baluz. I. p. 670. Quicunque res alienas cuiilibet homini vendiderit, et ipse bono eadem res aliqui alteri dederit sive vendiderit [ex ipso, qui tunc easdem res compara-ras habet, per malum ingenium proprio filio aut alteri cuiilibet, nequum legi-gitimos annos habenti, iustitiae tollenda e

causa tradiderit, volumus atque firmi-ter praeципimus, ut si pater eiusdem par-vuli viscerit, ipse innret incausam ratio-nem reddendi pro filio suo. Si autem pater ipse mortuus est, tunc legitimus eius propinquus, qui iuste ei tutor ac defensor viderit, pro ipso rationem red-dere compellatur. Similiter de aliis omnibus iustitiis ad eum pertinentibus excepta sua legitima hereditate, quae ei per successionem parentum suorum legitime veire debuit etc. Vbi imprimitis hoc singulare videtur, quod ratione rerum auitarum s. hereditatis parentum, quae iure condominii ad eundem adolescentem peruenierat, mores antiqui seruati sunt.

4) v. Hertii notitia ver. Germ. pop. Cap. III. §. 5.

tiorum, versabantur, quos patrōni, criminis vel aliūs causae postulatos, iudicio sistere causamque orare, vel compositiones pro iis soluere et damnum resarcire debabant.^{b)} Quorum quidem in numero praecipue etiam peregrini erant apud plerasque liberas gentes. Cum enim praediis destituti non haberent, vnde delicta ab iis forte commissa possent expiari, vt homines periculosi et incertae fidei, cum aliqua suspicio in eos cecidisset, pro hostibus habiti, impune poterant occidi.^{c)} Ut ne tamen inhumanius de iis ageretur, neque rebus publicis periculum aliquod crearetur, mox aut pactis et foederibus inter vicinas gentes exterorum aliquā compositione statuta^{d)}, aut pro iure sancitum est, vt peregrini vel in tutela et patrocinio regum essent^{e)}, vel ciues, tribus noctibus eos hospitio recipientes, patroni et va-

b) Lex Ripuar. tit. XXXI. §. 1.
Quodsi homo ingenuus in obsequio alterius inculpatus fuerit, ipse, qui eum post se eodem tempore reuinuit in praesentia iudicis similiter, sicut superius comprehensum est, (tit. praeced. vbi de interpellatione seruorum agitur quos domini iudicio sistere debent) representare studeat, aut in rem respondere. §. 2. *Quodsi eum non represeauerit, tale damnum incurrat, quam ille sustinere debuerat, qui in eius obsequio est inculpatus.* Lex Sax. tit. XVII. *Liber homo, qui sub tutela nobilis cuiuslibet erat, qui iam in exiliu missus est, si hereditatem suam*

necessitate coactus vendere voluerit, offerat eam primo proximo suo; si ille emere noluerit, offerat tutori suo, vel ei, qui tunc a Rege super ipsas res conscientius est. Si nec ille voluerit, vendet eam cuicunque voluerit.

c) Leges Inae regis §. 20. apud Wilk. p. 18.

d) Lex Sal. ant. tit. XLIV. Lex Ripuar. tit. XXXVI.

e) Leges Inae R. §. 23. apud Wilk. p. 18.

des corum existerent eosque defenserent et crimina
perpetrata resarcirent.^{f)}

Propter hanc vero summam patrum familias auctoritatem et libertatem corpus cuiusvis et domus atque area tam sancta habebantur, ut ne publicis iudicibus quidem liceret eas intrare et ciuem delicti reum prehendere, sed domi quisque plenissima pace frueretur.^{g)} Inde si quis in ius esset vocandus, ab actore cum testibus, vel a iudice et scabinis foras euocabatur:^{h)} ac si contumax non audiret, ne tum quidem vi poterat extrahi, sed vel pignus auferebatur,ⁱ⁾ vel in grauioribus delictis interdum ex decreta caeterorum ciuium sententia aedes eius incendebantur, ut reus sponte egredi coegeretur.^{h)} Iniuriae ciuibus in propriis aedibus illatae atrocius puniebantur,^{j)} homicidium autem ibi perpetratum nonnumquam capitali poena vindicabatur:^{m)} ipsaque cri-

f) Leges Hlotharii et Eadrici Regis §. 15. ibid. p. 9. Leg. Edwardi Confessoris R. §. 27. ibid. p. 202. Idem forsitan apud plerasque gentes liberas in Germania moris erat, itaque, qui modo hospes fuerat, mox hospiti proximi monstrator et comes viae exstitit, ut ne, quod peregrinus in itinere forte commisisset delictum, id hospes defendere aut expiare deberet. Tac. c. 1. c. 21. Moeser. c. 1. tom I. p. 28 et 29.

g) Addit. Sapient. ad Leg. Fision. tit. I. §. 1. ap. Canz. tom. III.

p. 13. *Homo faidosus pacem habeat in Ecclesia, in domo sua, ad Ecclesiam eundo etc. Qui hanc pacem effregerit et hominem occiderit nouies XXX sol. componat.*

h) Lex Sal. tit. I. §. 3.

i) Lex Ripuar. tit. XXXII. §. 3. ac in primis Lex Sal. ant. tit. LIII et LV.

k) Capitulare Saxon. c. 8.

l) Lex Fris. tit. VII. §. 2. Addit. Sap. I. c. Lex Ripuar. tit. LXIV.

m) Lex Saxon. tit. III. §. 4.

mina ab extraneis in area, vel aedibus alienis commissa,
quia pax domestica laesa videbatur, mulcta, domino
areæ soluenda, expiari debebant.ⁿ⁾

Ex eadem vero etiam hac familiarum coniunctione
caetera pleraque personarum iura nascebantur. Pri-
mum enim feminae, quia nunquam in ciuitate locum
obtinebant, neque se ipsae defendere poterant, sub tu-
tela atque potestate perpetua propinquorum et marito-
rum versabantur, ^{o)} et interdum vel pro hominibus vi-
lioris generis habitae, ut seruiles operas praestabant et
officia domus curabant, ^{p)} ita caeterum quoque ancillis
prope aequiparatae, et emebantur et vendebantur, ^{q)}
adeoque in possessione, vel dominio tutorum esse dice-
bantur: ^{r)} quamquam nonnullae gentes, antiquissimo-
rum Germanorum more sanctum et diuinum aliquid fe-

ⁿ⁾ Leg. Hlotharii et Eadrici Reg. §. 11. *Siquis aliquem in alterius area perjurum vocet, aut ipsum ignorans verbis inhoneste compellat, solidum soluat ei, qui aream possidet, et sex sol. ei, in quem hoc verbum dixit et regi XII. sol. persoluat.* §. 14. *Si area illa cruentetur, compenset viro isti patricium violatum et regi L solidos.*

^{o)} Lex Angl. et Verin. tit. X. §. 2. Lex Fris. tit. IX. §. 11. Lex Saxon. tit. VII. §. 2 fs. Lex Sal. ant. tit. XLVII. Leg. Aethelbirthi §. 31. ap. Wilk. p. 7. Leg. Ead-
mundi R. §. 1. ibid. p. 75.

^{p)} Tac. c. l. c. 15. 25.

^{q)} Lex Saxon. tit. XVIII. §. 1. *Lito regis licet uxorem emere, ubique voluerit. Leges Inae R. §. 31. ap. Wilk. p. 19. Siquis feminam mercetur et primum non proueniat, de pecuniam et persoluat ac compenset vadum, quasi fideiussionis sue violator sit.* Li. Aethelbirghi §. 32 et 76. ib. p. 4 et 7.

^{r)} Leg. Aethelbirthi R. §. 81. ap. Wilk. p. 7. *Siquis virginem per vim ceperit possessori L. solidos deo et postea secundum possessoris voluntatem eam redimatur.*

minis inesse ratae,^{s)} maiori honore eas haberent et crimina in mulieres perpetrata grauius vlciscerentur.^{t)} Tuta
tela vero virginum procul dubio patribus primum com
petebat, his autem defunctis ad agnatos proximos defe
rebatur, vti Saxonum lege^{u)} post mortem patris pri
mum fratri puellae vterino, eoque deficiente, patruo
vel agnato proximo delatam esse legimus. Neque tan
tum virgines tutelae suberant, sed et viduae, soluto
matrimonio erant sub tutela, vel propinquorum mariti,
vel agnatorum paterna gentis,^{v)} et vxores maritorum
imperio regebantur.

Deinde, ne matrimonii et affinitatibus familiarum
societas iusto plus extenderentur, nec inuitis patribus
et propinquis onera tutelarum et fideiussionum augeren
tur, legibus est sancitum, vt non, nisi adhibito paren
tum, tutorum et propinquorum consilio atque consen
su, valida sponsalia contrahere liceret.^{w)} Intererant
ideo sponsalibus liberorum celebrandis, conditionem co
gnituri et oblata munera probaturi,^{x)} iisque inuitis si
quis puellam vxorem duxisset ob violatum patroci

^{s)} Tac. c. I. c. 8.

§. 76. Leg. Eadmundi R. §. 1. ap.

^{t)} Lex Fris. X. §. 4. Lex Sax. tit. II. §. 2.

Wilk. p. 7 et 75.

^{u)} Lex Sax. tit. VII. §. 6. 5 et 7.

^{w)} Lex Sax. I. c. Lex Sal. ant.

^{v)} Lex Sax. I. c. §. 2. Lex Sal. tit. XLVII. Legg. Aethelbirthi R.

tit. LXX. *Siquis filiam alienam ad coniugium quaeasierit praesentibus suis*

er puellae parentibus etc.

^{x)} Tac. c. I. c. 18. et Leg. cit.

nium, ^{y)} tutori vel parentibus multam soluere debet; ^{z)} ipsaque mulier inter Anglos Verinosque ademptione hereditatis paterna plectebatur. ^{a)} Sponsi praeterea munera parentibus, vel tutoribus offerebant, quibus uxores emerent, ^{b)} siue vere ancillarum loco habitas, siue hunc in finem isto more introducto, ut esset aliquid, quod perpetuos tutelae labores leniret et compensaret, quamobrem viduae quoque ex agnatorum tutela coemebantur. ^{c)}

Tandem vero, cadente militum heribanniorum auctoritate regibusque et magistratibus creatis, qui longe maiorem securitatem praebenterent, quam a singulis ciuibus vnuquam exspectari posset; familiarium socio-

^{y)} Leg. Aethelbirthi §. 75. apud Wilk. p. 7. *Siquis viduum non sui iuris duxerit bis compenset patrocinium violatum.* Ibid. §. 74 et 15. p. 5.

^{z)} L. Fris. tit. IX. §. 11. *Si liberam feminam extra voluntatem parentum eius, vel eorum qui postea statim eius habent, uxorem duxerit, componat tutori eius sol.* XX id est den LX. §. 12. *Si autem nobilis erat femina sol.* XXX. §. 13. *Si lita fuerit sol.* X. *domino eius persoluere cogatur.* Lex Sax. tit. VI. §. 2. *Si autem sine voluntate parentum puella ramen consentante duxa fuerit bis CCC. sol.* parentibus eius componat. Leges Aethelbirthi Regis §. 81. ap. Wilk. p. 7.

^{a)} Lex Angl. et Verin. tit. X. §. 2. *Si libera feminam sine voluntate pa-*

tris, aut tutoris cuiilibet nupserit, perdat omnem substaniam, quam habuit, vel habere debuit.

^{b)} Lex Sax. tit. VI. §. 1. *Vxorem duciruru CCC. sol.* det parentibus eius. Ibid. tit. XVIII. *Leges Anglosax.* ap. Wilk. p. 4. 7 et 19.

^{c)} Lex Sax. tit. VII. §. 3. *Qui viduam ducere velit, offerat tutori premium emisionis eius consenserientibus ad hoc propinquis eius etc.* Ex I. Sal. ant. tit. XLVII sponsalis viduarum adeo publice coram Tungino vel Centenario et in mallo celebrari debebant, cuius constitutionis equidem rationem reperire potui nullam, nisi forte Taciti locum aliquem G. c. 19. interpretationi volueris adhibere.

tates non modo minus necessariae credebantur, sed, quia tumultibus caedibusque non raro causas praebuerant, periculosae potius habebantur. Ideo, poenis praesertim capitalibus introductis, fideiussiones patrum pro domesticis praestandae, ipsumque imperium in eosdem competens paullatim obsoleuerunt, nisi quod servos, si quod delictum perpetrassent, iudiciis sistere et pro iis respondere deberent.^{d)} Compositiones, si non prorsus abrogatae essent,^{e)} a iudicibus collectae hereditibus dabantur, vel fisco, raro vero pugnis et armis eas extorquere priuatis licebat. Feminarum quoque tutela apud nonnullas gentes mature iam antiquata est; quare in legibus Alamannorum et Baiuvariorum nullam plane eius mentionem factam deprehendimus: et ipsae quidem mulierum coëmtones, cum inter Francos quidem diu seruatae essent,^{f)} imaginario tantum aliquo pretio oblato, speciem modo morum antiquorum repreäsentabant, aut omnino quoque negligebantur, vt in gentibus, quae prius regnari cooperant, Alamannis et Baiuvariis, in quibus omnes omnino mores antiquos

^{d)} Capit. Caroli M. ad leg. Ripuar. c. 4. ap. Canz. II. p. 320. Decreto Childeb. R. c. 10. Decreto Chlothar. R. c. 9. ibid. pag. 118. et 119.

^{e)} Decret. Childeberti Regis §. 5. Leges Eadmundi R. §. 1. apud Wilk. p. 75.

^{f)} Form. Bignonian. No. 5. ap. Canz. t. II. p. 270. Fredegarii hist. Francor. epitomata c. 28. ap. Du Chesne tom. I. p. 729. Legati offerentes solidum et denarium, ut mos erat Francorum, eam partibus Chlodovaci desponsant.

adeo permutatos ciuiumque libertatem tantopere diminutam reperimus, vt iudicibus adeo ius esset, ciues vi et poenis impositis in iudicium arcessere.^{g)} Sed eae gentes, quae diutius liberas respuplicas et veterem militandi rationem retinuerant, priscos etiam mores diligentius seruarunt; hinc ipse Carolus Imperator Saxonum deuictorum plerasque consuetudines, ex libertate antiqua et familiarum societatibus natas, confirmasse legitur;^{h)} et inter Francos etiam iurum veterum vestigia diu reperiuntur,ⁱ⁾ quid? quod ad nostram vsque aetatem quosdam ex antiquis moribus seruatos esse constat.

§. 3.

De causis, cur feminae inter quasdam Germaniae gentes hereditate praediorum exclusae fuerint.

Nulla forte res in omni vetere iure Germanico plus interpretibus attulit laboris et impedimenti, quam leges quorundam populorum, quibus mulieres successione prohibitas fuisse comperimus. Nam cum rationes ea-

g) Lex Alamannor. tit. XXXVI. Sax. §. 8. Poeta Saxolib. IV. ad ann. 803. ap. Du Chesne II. 167.
Lex Baiuuar. tit. XII. c. 1. et 2. Sic quoque sec. L. Baiuu. tit. X. c. 2. laesio pacis domesticae leuissime tantum punitur.

h) Lex Sax. tit. III. §. 4. Capit.

i) Capit. Caroli M. ad l. Rip. c. 5. Capit. Caroli Calui tit. 36. cap. 6. ap. Bal. II. 176. Capit. Lib. III. cap. 65.

rum sanctionum nusquam expressae sint et conjecturis
potius colligi debeant, quam certis argumentis possint
probari; inde alii alias causas excogitarunt, quas omnes
enarrare vix huius loci esse videtur. Nec defuere, qui
militiam id effecisse contenderent, a veritate, quantum
equidem video, parum aberrantes, nisi forte in eo,
quod onus militiae facienda praediis impositum fuisse
putauerint eamque ob causam feminas perferendis mi-
litiae laboribus impares, praediis caruisse statuerint. ^{a)}
At vero satis opinor demonstratum est supra ^{b)}, non
solos fundorum possessores militiae munere functos
esse, sed omnes ingenuos, siue possiderent fundos, siue
non, se suásque res ab hostibus defendisse, adeoque
mulieres hac vna de causa neutiquam ab hereditatibus
fuisserent remouendae. Neque magis legum interpreta-
tionem adiuuare videntur caeterae rationes ex moribus
Germanorum priuatis petitae, velut ex ingenio vel bel-
licoso, vel iniquo erga feminas, aut ex tutela, cui per-
petuo illae subessent. Nam licet omnibus Germanis in
rebus domesticis iidem fere mores essent et idem belli-
cosum ingenium, tamen non inter omnes populos mu-
lieres eadem hac iurium iniquitate premebantur, sed

F 2

a) Schmidt *Gesch. der Teuts.* lib. II. c. 8. b) Exercit. I. p. 23. 30.

alibi inter filios et filias bona paterna aequa lance diuisi debantur; alibi mulieres parte hereditatis erant destitutae. Neque tutelam sexus veram earum legum causam continuisse, Longobardorum probant consuetudines, quibus etsi feminae perpetuae tutorum potestati subiectae essent, c) haudquaquam tamen omnino successione exclusae fuisse deprehenduntur.^{d)} Igitur in rebus Germanorum publicis et militaribus potius, arctissime quondam inter se coniunctis, verae huius diuersitatis videntur latuisse origines.

Nimirum neminem, qui vnquam diligentius legum antiquarum codices perlustrauit, hoc potest latere, mulieres in iis tantum populis hereditatum iuribus caruisse, quos fixis sedibus vsos, pacique et agriculturae studuisse, supra conati sumus probare; caeteras contra gentes bellicosas, aut regnatas utriusque sexui aequa hereditatum emolumenta tribuisse. Ita Angli quidem et Verini hunc morem seruarunt, ut mulieres ex immobilibus bonis nihil acciperent; e) Franci, iique Salii, feminas Salicis terra priuarunt; f) Ripuarii vero terras auiaticas

c) L. Long. lib. II. tit. I. et II. ternas generationis consanguineum pertinet.

d) ib. lib. II. tit. 14. §. 2. Si autem nec filium habuit,

e) L. Engl. et Verinor. tit. VI. soror eius pecuniam et mancipia, terram proximus paternae generationis accipiat etc.

§. 1. Hereditatem defuncti filius non filia suscipiar. Si filium non habuit qui defunctus est, ad filiam pecunia et mancipia, terra vero ad proximum pa-

f) Lex Sal. antiqu. tit. LXII. §. 6. ap. Canz. II. p. 104. De terra

ad illas peruenire noluerunt; g) Saxones quoque mulieres aut omni parentum hereditate excluserunt, aut quod verosimilius videtur, praedia modo filiis seruarunt. h) Mobilia vero bona mulieres vel aequis partibus cum filiis et agnatis defunctorum diuidebant, i) vel etiam partem harum rerum, muliebrem ornatum puta, prae reliquis heredibus solae nonnumquam accipiebant. k) Quid? quod etiam praedia aliqua ad filias

vero Salica in mulierem nulla portio hereditatis transit, sed hoc virilis sexus acquirat, b. e. filii in ipsa hereditate succendant. Sed ubi inter nepotes aut pronepotes post longum tempus de alode terrae conuento suscipiantur, non per stirpes sed per capita diuidantur. Quod in lege Sal. reformato tit. LXII. §. 6. ibid. p. 152. sic audit: De terra vero Salica nulla portio hereditatis mulieri veniar: sed ad virilem sexum tota terrae hereditate perueniat.

g) Lex Ripuar. tit. LVI. §. 4. Sed dum virilis sexus exciterit femina in hereditatem auiaricam non succedar.

h) Lex Sax. tit. VII. §. 1. Pater autem mater defuncti, filio non filiae hereditarem relinquit, §. 8. Qui filiam ac filium generuit et filius uxore duxa et filium generuit et mortuus fuerit, hereditas patris ad filium filii, id est nepotem, non ad filiam pertineat. Hereditatis autem nomine plerumque praedia hereditaria tantum continentur, v. L. Sax. tit. XVII. et tit. XV. vbi hereditati mancipia opponuntur et Gaertnerum ad h. l.

i) Lex Sal. ant. tit. LXII. §. 1.

Siquis mortuus fuerit et filios non dimiserit, (filiorum nomen liberos utriusque sexus continere et Eccardus ad h. l. notauit et Marc. lib. II. form. 12. probat.) si pater aut mater superviventes fuerint, in ipsam hereditatem succendant. §. 2. Si pater et mater non superfuerint et frarrem et sororem dimiserint, in hereditatem ipsi succendant. §. 3. Si isti non fuerint, tunc soror matris in hereditate succedat. §. 4. Si vero soror matris non fuerit, sic soror patris in hereditate succedat. §. 5. Ex postea sic de illis generationibus, quicumque proximiior fuerit, ipsi in haereditate succedant, qui ex paterno genere veniant. Idem fere successionum ordinatio est in lege Ripuar. tit. LVI. qui, cum in utraque lege in fine titulorum laud. de praediis alio successione ratio sit praescripta, non potest nisi ad mobilia bona pertinere. Accuratus quidem eam rem explicauit Lex Anglor. et Verinor. l. c.

k) L. Engl. et Ver. tit. VI. §. 6. Mater moriens, filio terram, mancipia, pecuniam dimitras filiae vero spolia colli;

peruenisse, nec nisi fundos Salicos vel autios filiis reseruatos fuisse, admodum probabile videtur. *i)* Denique mulieres, vel virili familiarum stirpe ad certum usque gradum extincta, *m)* vel deficientibus filiis, aut ne potibus ex filiis, *n)* eam quoque hereditatis partem non cisebantur, cuius ab initio fuerant expertes. In ceteris legibus contra, Alamannorum quidem, *o)* Baiuuariorum, *p)* Longobardorum, *q)* et reliquarum gentium,

i. e. murenas, nascas, monilia, inaures, vestes, armillas vel quidquid ornamenti proprii videbatur habuisse.

i) Id enim non modo nomina terrarum producat Salicarum aut auiatarum, quae speciem modo praediorum indicant, sed Marculus quoque formula XII in libro II. hoc sati demonstrat, vbi terra paterna, *s. alode*, cuius portionem filiae non acquirant, opponitur comparato, *s. praediis* acquisitis, mancipiis et praesidio, quae cum filiis aequalance diuidebant. *v. Chr. H. Breunung difs de filia herede contra iura Germ. anz. Lips. 1762. p. 11.* Ab hac nostra opinione dissentit, sine argumentis putram satis idoneis D. I. C. Maierus in libro, cui nomen: *Germaniens Urverfassung*. Hamb. 1798. p. 110. — Inter Anglos Verinosque, si verba legis allatae tantum obiter adspexeris evidentur quidem mulieres omnis hereditatis immobilis expertes, sed aliud mihi suadet *§. 6. eiusd. tit. VI. Mater moriens filio terram, mancipia, pecuniam dimittat etc. atque §. 7. Si nec filium nec filiam habuerit, sororem vero habu-*

erit, sorori pecuniam et mancipia, proximo vero paterni generis terram relinquat, qua quidem §. nisi de casu rarissimo agatur, vbi gente mascula omni extincta terra ad feminam peruenisset, id satis probable fit, quod filiae fundorum etiam partem a parentibus suscepint.

m) L. Angl. et Ver. tit. VI. §. 8. Usque ad quintam generationem paterna generatio succedat. Post quintam autem filia ex toto, siue de pannis siue matris parte in hereditatem succedat et tunc denum hereditas ad fusum a lancea transeat. Lex Ripuar. l. 1. Sed dum virilis sexus extirberit etc. De lege Sal. v. I. G. Eccardum in comment. ad h. l. ap. Canz. II. p. 106.

n) L. Sax. l. c.

o) Lex Alamann. tit. LVII. tit. XCII.

p) L. Baiuuar. tit. XIV. Cap. IX.

q) L. Longobard. lib. II. tit. XIV. §. 15. 19. 20. L. Burgund. tit. XIV. §. 1.

quarum integra respublica bellicosa fuerat et militaris, quaeque contemserant olim atque neglexerant agriculturam, nusquam mulieres hereditatibus destitutas legere memini, immo pluribus argumentis probari posset, easdem defunctorum bona aequa lance cum fratribus et agnatis esse partitas.

Prima autem et proxima causa, propter quam inter illas gentes mulieres ab hereditatibus prohiberentur, videtur in eo posita fuisse, quod apud eas agnatis singularum familiarum aliquod condominium competeteret in praediis, siue omnibus, siue nonnullis tantum, iisque vel eminentioribus et maioris pretii habitis, vel ab eadem familia diu possessis. Cuius quidem instituti virtute licet feminae quoque victum et alimenta ex praediis communibus perciperent, dum in aedibus parentum vel tatorum morarentur: tamen ne matrimoniis et hereditatibus earum fundi familiis eriperentur, ipsae a possessione eorum arcebantur. Filii igitur vel agnati proximi praedia post mortem eius, qui ea adhuc possederat, sibi vindicabant, non quidem hereditatis titulo, sed iure dominii, per leges ipsis seruati; r) neque unus

r) Forsan id Tac. quoque G. cap. 26. verbis innuere voluit: *Heredes ramen successoresque sui cuique liberi, quae contra morem eius scriptoris, breuitatis amantissimi plerumque synonymice posita esse creduntur. Nam eodem loco singulor. nomina heredum prodens. feminas autem silentio praetermittens, de his successoribus locutus videtur, qui*

tantum ea accipiebat, exclusis reliquis; sed quamvis unus forte, defensoris et principis locum in ea gente iam suscepturus possessionem et administrationem haberet, s) nihilosecius tamen dominium reliquorum salvum et incolume seruabatur, t) donec, diuisione rerum communium facta vel sublatis agnationis iuribus, condominii quoque iura expirarent.^{u)} Res vero ceterae, cum ad eas condominium totius familiae minus spectaret, sed eius potius esse crederentur, qui easdem comparatas sibi possideret, hereditatis iure internatas natosque diuidebantur ipsique earum possessores de iis pro libitu disponere poterant.^{v)} Hinc etiam factum esse videtur, ut aliquando ii modo, qui mobilia bona accepissent, ad soluenda defuncti debita obligarentur, praediorum vero possessores, quia domini magis, quam heredes videbantur, ab hac obligatione essent immunes. w)

post mortem possessoris praediorum administrationem et possessionem fundorum communium accipiebant, simul principis et capitis familiarum locum occupaturi.

s) L. Angl. et Ver. I. c. §. 5.

t) Inde neque successioonis aliquem ordinem ratione praediorum legibus Francorum definitum, sed hoc modo statutum reperimus, ut solus virilis sexus ea haberet v. L. Sal. et Rip. II. II.

u) Lex Sal. tit. LXIII.

v) Quos antiquos mores apud Sa-

xones seruatos videmus in Spec. Saxon. lib. I. Art. 52. Hoc idem etiam legibus Angl. et Verinor. tit. XIII. concessum esse puto, verbis: *Liber homini licet hereditatem suam, cui voluerit tradere, ubi hereditatis nomine potius mobilia bona, quam praedia contineri puto.* Nam alias haec lex vix conciliari poterit cum titulo VI. quo tam diligenter agnatis praedia reseruata videmus.

w) v. Fried. Chrp. Ionath. Fischer Vers. über die Gesch. d. teutschen Erb-

Sed de hoc agnatorum condominio cum satis iam ab aliis actum sit, non esse arbitror, quod plura addamus. ^{x)} Restat vero, quod grauissimum est nostrum que laborem in primis vocat, ut indagare conemur, ob quas tandem causas hoc agnatorum condominium legibus constitutum et a liberis gentibus tanta diligentia seruatum, a caeteris vero neglectum et parui deputatum sit. Eas autem ex ultimis antiquitatis temporibus repetendas reor, quibus rerum publicarum et militarium ea ratio inter Germanos obtinuit, quam ex Taciti Caesarisque commentariis supra descriptissimus. Liberae enim nationes, quae fixis sedibus vtebantur et pace magis, quam sempiternis bellis delectabantur, praeter comitatuum cohortes, quae sponte ducis alicuius signa sequebantur, nullos neque duces, neque milites perpetuos habebant, sed, ubi necessitas exigeret, omnes viri ingenui nati, qui armis essent idonei, lares et focos vitamque et libertatem defendebant, neque stipendiis

folge, tom. I. p. 68 et 288. Hoc lege ius novum et singulare intro aliquid modo confirmari videtur iis, ductum videtur, propterea necessariae quae lege Ripuar. tit. LXVII. §. 1. de soluendis defuncti debitis statuta deprehendimus, nimirum, ut aut immunes erant.

^{x)} Cfr. Fischer libro cit. Moeser Osnabr. Gesch. tom. I. Sect. I. §. 18. p. 29. Maier German. *Urverfassung* p. 125. fs. J. C. Gebaueri vestigia iuris Germ. antiqu. Diss. VII. p. 230.

G

conducti neque commeatis sustentati. Sibi quisque enim victum et arma caeterosque militiae sumptus parare debebat, siue ea ex suis ipsius facultatibus caperet, siue pater et princeps familiae suppeditaret. Igitur cum hoc in primis conditoribus ciuitatum curae esse deberet, ut ne patribus singulisue militibus deesset, quo se suosque in acie et in castris sustentarent, vix commodius excogitare potuerunt praesidium, quam hoc, ut masculae familiarum stirpi seruare studerent praedia, certas atque perennes opes semper praebitura. Quod quo melius peragerent, dum viri ex ea familia nati vivерент, feminas a possessione praediorum arcebant, hoc tamen ipsis largientes, ut innuptae ex praediis gentilitiis alimenta acciperent^{y)} et caeteram substantiam hereditatis iure una cum viris obtinerent: tandem vero, quia virili prole extincta nihil amplius erat, quod semi nae a fundis possidendis prohiberentur, omnis hereditas ad fusum a lancea transiret. Contra vero bellicos gentibus longe diuersi mores erant. Inter eos enim priuati agri nemo quidquam habuit, sed publicus ager quotannis a magistratibus inter ciues distributus est, itaque singulis ciuibus neque ullum fuit dominium, neque successio in praediis. Milites autem ad bellum pro-

y) Gebauer l. c. p. 234.

fecti a caeteris alebantur, qui domi tunc remanserant, nec singuli sibi, dum militarent, commeatum parare debebant. Quibus ex antiquissimis moribus cum iura populorum vtrorumque essent efformata, vti liberae gentes condominia familiarum diligenter seruarunt, ita bellicosi populi, consuetudinum antiquarum, vt Germani, tenacissimi, ne tunc quidem, cum priuata dominia introduxerant, noua successionum iura constituenta esse putarunt, aut, siquod esset condominium agnatorum, negligentius tamen custodierunt. ^{z)})

Forsan autem alia quoque ratio liberis illis populis persuasit, vt familiarum opes viresque, mulieribus a successione prohibitis, firmare atque conseruare studeant, rerum puta publicarum forma; quae cum olim ita comparata esset, vt nulli duces aut magistratus imperio muniti ciuibus praeessent nec publicam securitatem armata manu sustinerent, legumlatorum erat curare, vt domi singulae familiae semet ipsae defenderent et patresfamilias domesticos potestate sua comprehensos tuerentur, alerent et a delictis cohiberent. Quare

^{z)} Lege Alamannor tit. LXXXIV. scilicet aliquod condominium apparet videtur, integris familis in praediis competens: *Si qua contenatio orta fuerit inter duas genealogias de termino terrae eorum etc.* Et inter Baiuarios etiam quisque cum

filiis suis hereditatem diuidere debbat, antequam Ecclesiae praedia posset donare. Lex Bai. tit. I. cap. 1. Cfr. de hac successiois ratione I. G. Ecardum ad I. Sal. ant. tit. 62. et C. G. Gaertnerum ad leg. Sax. tit. 7. in Canz. leg. Barb. tom. II. et III.

maxime erat cauendum, ne ciues exhaustis familiarum opibus facile opprimerentur paucique locupletiores ceteros opibus et auctoritate nimis superarent, neque turba hominum egenorum ciuitati molesta esset atque tumultus moueret, quos difficile esset reprimere. Nihil autem erat, quo melius certiusque huic malo posset occurri, quam dominium praediorum cuiusuis familiae agnatis commune seruandum, vnde numquam non vires et auctoritatem in ciuitate necessarias sustinerent. Praeterea, quia is, qui praedia possidebat, praecipuum locum in ciuitatibus illis obtinebat, non poterat non iniquum videri, si immunis a publicis oneribus non una cum caeteris ciuibus rempublicam aduersus ingruentes hostes defenderet, aliis contra obtruderetur onus illum ipsum defendendi atque tuendi. Feminae igitur cum militiae faciendae haud aeque pares essent atque viri sed perpetua tutela atque defensione egerent, forte hanc vnam ob causam iure meritoque praediorum possessione excludebantur.

At vero mutatis vel obsoletis illis rationibus ipsa quoque successionum et condominii iura nonnihil turbabantur. Etenim iudiciis institutis et imperio magistribus dato, delicta ciuibus aut domesticis eorum illata, prohibitis vltionibus priuatis, ab illis coercebantur: neque amplius milites omnes semet ipsos instruere

et alere oportebat, sed destituti opibus ad id necessariis socios accipiebant alios ciues aequae pauperes, qui simul omnes militiae sumtus ferrent. *a)* Accedebat vero etiam christianaे religionis et principum auctoritas admodum amplificata, qua cum paullatim effectum esset, ut alodia familiarum facilius, quam olim, diuidentur ac ad extraneos, ecclesias praezerosim, reges procreisque abalienata possent transmitti, *b)* prisci mores non potuere non iniqui videri ac sensim sensimque prorsus in desuetudinem venire; *c)* indeque non nisi in iis gentibus familiisque, quarum maxime intererat, nominis splendorem retineri et augeri, principum puta atque nobilium, seruabantur. *d)*

§. 4.

De alienationibus praediorum.

Neque silentio hoc loco praetermittendae videntur legum antiquarum sanctiones, quibus praediorum alienationibus certus modus et ordo praefinitus est, impri-

a) v. Difs. Exercit. I. p. 29. Cui addas Constitutionem Ludou. II. apud Baluz, tom. II. p. 357.

b) v. Lex Saxon. tit. XV et XVII.

c) Marculfi form. lib. II. form. 12.

Diuiterna, sed impia inter nos con-

suetudo tenetur, ut de terra paterna

sorores cum fratribus portionem non ha-

beant. Sed ego perpendens hanc iniquitatem, sicut mihi a Deo aequaliter donati estis filii, ita et a me sitis aequaliter diligendi, et de res meas post meum discessum aequaliter gratuletis etc.

d) Ant. Dad. Alteserra de Ducibus et Comitibus prouinc. Galliae. Tolosae. 1645. lib. III. cap. 16. p. 264.

mis eae, quibus, ut illae publice et iudicium auctoritate peragerentur, statutum legimus. Nam cum eo tempore, quo leges istae conderentur, nullus aut exiguus vsus esset onerum atque tributorum fundis praediisque impositorum, quorum quidem in securitatem plerumque publicas praediorum alienationes institutas esse dicunt; neque id ut in creditorum forte utilitatem praeciperetur hypothecae in praediis constitutae facere possent, quia peregrinam originem produnt, ^{a)} ac longe serius demum in foris Germaniae moribus receptae sunt: Vix villa superest causa, cur id sancitum esse nobis persuadeamus, quam agnatorum condominium atque militiae leges, quibus modo hoc etiam factum esse vidimus, ut mulieres ab hereditatibus fundorum arcerentur. Primum enim ipsa res probat ad seruandum hocce condo-

a) Semel tantum hypothecarum nomen in legibus Francorum legisse memini, sed iis demum seniori aeuo latiss atque sic omnino, ut ex peregrinis iuribus hypothecas receptas esse, statim appareat; scilicet est in Capitul. lib. II. cap. 29. vbi Ludouicus Imp., decretum Siluanectensis concilii confirmatus, ita insit: Nulla s. b. Romana ditione constituta Ecclesia vel xenodochium — contra haec agere praesumat. Ergo his omnibus non licet alienare rem immobilem, sive domum, sive agrum, sive hortum, sive rusticum mancipium, vel

panes civiles, neque creditoribus specialis hypothecae titulo obligare. Alienationis autem verbum continet venditionem, donationem, permutationem et emphyteuseos perpetuum contractum. Sed omnes omnino sacerdotes ab huic modi alienatione se abstineant poenas timentes, quas Leonina constitutio minatur etc. Quae verba continentur etiam cap. 5. X. De rebus Ecclesiae alienandis vel non. Atque pro parte ex ipsa Leonis et Anthemii Imp. constitutione desumpta videntur; cfr. L. 14. Cod. de SS. Ecclesiis.

minium et opes militum continendas Germanis nihil, quam hoc, diligentius cauendum fuisse, ne singulis ciuibus liceret pro lubitu praedia vendere et alienare, quia alias omnia iura hunc in finem instituta vi et effectu caruissent. Tum vero etiam aliud offertur nobis argumentum, quo paene conuincimur, vtrasque leges, tam de alienationibus, quam de hereditatibus praediorum latas, ex eodem fonte promanas. Scilicet apparet, in iuribus Germanorum antiquis, circa alienationes praediorum vsitatis, idem illud discrimin inter leges gentium bellicosarum et reliquarum, quae liberis rebus publicis vterentur, obtinuisse, quod antea in successonibus feminarum obseruauimus; solae igitur liberae gentes legibus sancierant, ne ciues praedia pro arbitrio possent abalienare, reliqui vero populi parum eam rem curabant. Qua quidem de causa non dubitauerim, quin legum illarum eandem statuam rationem, quam in successionibus fuisse monuimus, condominium agnatorum nimirum maxime militiae causa institutum et seruatum.

Antiquis autem temporibus apud liberas gentes omnes omnino praediorum alienationes, quae in praeiudicium agnatorum vergere possent, prohibitas fuisse putauerim tam quae inter viuos, quam quae mortis causa fierent, adeoque, cum omnes agnati condomini

H

essent praediorum, neminem, nisi consentientibus omnibus, quorum referret, praedium, velut rem alienam, in extraneum aliquem hominem transferre potuisse. Atque hoc idem procul dubio erat in causa, cur auctore Tacito^{b)}, morum Germanicorum optimo interprete, nulla apud Germanos testamenta condiserent, sed sua quisque bona legitimis et naturalibus heredibus relinquenter. At vero labentibus annis huius condominii sanctitas vehementer diminuta est, id quod maxime principum atque clericorum studiis se suasque res augendi et amplificandi tribuendum esse credo. Nam mutatis rerumpublicarum rationibus, reges, optimates atque clerici nihil non agebant, ut omnia tollerent, quae suae auctoritati suisque opibus augendis et effrendis obessent. Igitur ut praedia, quae, si dominium eorum pluribus ciuibus simul indiuisum competebat, non sine labore poterant acquirere, facilius in suam protestatem redigerent, condominii quoque iura ita mutasse videntur, ut illud non omnibus agnatis porro seruaretur, sed solis permitteretur parentibus liberisque, qui proprio ac perpetuo iure bona auita susciperent nec inuiti iisdem destitui possent: ^{c)} itaque si cuiquam

^{b)} Tac. G. c. 20. Heredes tamen successoresque sui cuique liberi: et nul-
lum testamentum.

^{c)} In legibus enim, quae libertatem alienandi praedia restringunt, tantum filiorum aut liberorum fit mimentio. v. infra notam N.

liberi deessent, is liberius agros fundosque suos vendere aliquis donare poterat, licet remotiores eius agnati viuerent. Neque tamen simul vbiique locorum antiqui mores prorsus euertebantur, sed quae gentes libertatem antiquam diutius incolumem obtinuerant familiarumque societatibus magis, quam reliquae nationes fauebant, inter eas etiam facultas praedia pro lubitu alienandi vario modo restringebatur eumque in finem plures, quas in illis vendendis tradendisque obseruarent, sollennitates praescribebantur, ac interdum ipsis remotionibus agnatis nonnulla ex pristinis iuribus reseruabantur.

Quae vicissitudines ut magis appareant, iam singulas leges huc spectantes breuiter enarrabimus. Condomini enim paullatim turbati tandemque euersi causas luculentissime demonstrant Saxonum leges. Hic populus quidem condominium agnatorum in praediis gentilitiis tam studiose retinuerat, ut ne deuicto quidem Carolus illud eripere auderet. Sed, quamuis regiam dignitatem et clericorum potentiam efferre et priscos mores paullatim antiquare maxime cuperet ideoque Saxonibus, res suas regibus et ecclesiis offerre atque tradere permittebat: tamen seuere prohibuit, quo minus praeterea quisquam in praeiudicium agnatorum praedia hereditaria ad extraneos transferret, seu, ut legum verbis utar,

H 2

heredes suos exheredes faceret. ^{d)} Siquis igitur illorum, necessitate coactus, bona alienare vellet, ea primum agnato proximo, deinde, si quem haberet, patrono nobili offerre debebat, ac postea demum liberiū extraneis hominibus ea permettere poterat. ^{e)} Quod vero fundorum alienationes publice seu coram iudicibus peragendae erant, id, quamvis Francorum institutum esset, apud Saxones olim haud receptum videtur, ^{f)} idque forsan inde factum est, quod cum apud hos introductum esset, ut praedia priusquam vendi possent, agnatis offerrentur, satis eorum utilitati prospectum esse credebatur.

Inter Francos vero quoties in extraneum aliquis fundos vellet alienare, leges consuetudinesque non exige-

d) Lex Sax. tit. XV. §. 2. Nulli licet traditionem hereditatis suaē facere, praeter ad Ecclesiam vel regi, ut haeredem suum exheredem faciat. §. 5. Niſi forte famis necessitate coactus, ut ab illo, qui hoc acceperit, sustentetur, mancipia licet illi dare ac vendere. Cf. Gaertnerum ad h. l. multa docte disserentem.

e) Lex Sax. tit. XVII. Liber homo, qui sub tutela nobilis cuiuslibet erat, qui iam in exilium missus est, si haereditatem suam necessitate coactus vendere voluerit, offerat eam primo proximo suo; si ille emere noluerit, offerat tutori suo vel ei, qui tunc a Riege

super ipsas res constitutas est. Si nec ille voluerit, vendet eam cuicunque voluerit.

f) Lex Saxonum enim de hac re silet, nec in Speculo quidem Saxonico semper ac vbius requiritur, ut alienationes in iudiciis fierent; v. lib. I. art. 54. (Cod. Lips. ap. Gaertner.) An des richteres viloup muz ein mann wol sin eigen vergeben in erben gelob dazer behalde eine halbe huue vnd eine vurt, da man einen wagen vffe gewende muge, dar ab sal he deme richtere sines rechtes phlegen. atque lib. I. art. 52.

bant quidem, ut agnatis offerret, sed hoc, ut vel in iudicio, vel coram rege, testibus aduocatis variisque ritibus adhibitis dominium in accipientem transferret, et ipsos quasi traderet; *g)* quae solennitates non nisi ab iis omitti poterant, qui in itinere, vel in agmine, aut castris bona sua donarent, vel venderent, vbi soli testes adhibiti sufficiebant; *b)* olim vero etiam tunc, ut videtur, si quis propinquus praedia cedebat, *i)* quam-

g) Lex Sal. ant. tit. 49. et Lex Sal. reform. tit. 48. Lex Ripuar. tit. 59. §. 1 et 7. Cap. Car. M. de leg. Ripuar. ap. Canz. II. 320. c. 7. Formulae venditionis rerum immobiliarum publicarum habes apud Canz. tom. III. p. 455.

h) Capitul. lib. IV. c. 19. Siquis res suas pro salute animae sue vel ad aliquem venerabilem locum, vel propinquuo suo vel cuilibet alteri tradere voluerit et eo tempore intra ipsum comitatum fuerit, in quo res illae sunt, legitimam traditionem facere studeat. *Quod si* eodem tempore, quo illas tradere vult exire eundem comitatum fuerit, *id est* siue in exercitu, siue in palatio, siue in alio quolibet loco, adhibeat sibi vel de suis pagensibus vel de aliis, qui eadem lege viuunt, *qua ipse* vinuit, testes idoneos, vel si illos habere non potuerit tandem de aliis, quales ibi meliores innueniri possent et coram eis rerum suarum traditionem faciat: ex fideiussores vestituras donec ei, qui illam traditionem accipiet, ut vestituram faciat etc. Ex Capit. lib. I. c. 141. apparere quidem vide-

tur aliquando solennitates alienationum etiam tunc remissas esse, si quis Ecclesiae res suas daret; Imperator enim: *Qui res suas*, inquit, *pro anima sua ad casam Dei tradere voluerit, domi traditionem faciat coram testibus legitimis:* ex quae in hestate factae sunt traditiones, de quibus nulla est quaestio, stabiles permaneant; tamen cum haec caeteris legibus repugnarent, tum vero etiam quia verba coram testibus legitimis ad constitutionem legis Salicæ cit. spectare vindentur, magis est, ut etiam hac lege solennitates, omnibus alienationibus praescriptas, requiri credamus.

i) Constat ex Leg. Sal. tit. 61. de obrenzchryda s. chren-œlide, qua consuetudine erat introductum, ut qui compositionem debitam soluere nequiret, praedium suum propinquus cederet; nec tamen judicialiter haec cessio fiebat, sed priuatim tantum. Et recte quidem. Nam ratio legis, ne agnati bonis haereditaris destituerentur et egestati manciparentur, hac in alienatione cessabat.

quam legibus paullo recentioribus etiam in hac alienatione sollennitates requirebantur.^{k)}

Atque hos mores diutissime seruarunt Franci, licet ob alias forte rationes eos sequenti tempore retinuerint, quam quibus initio ducti instituerant. Nam cum proceres regni et magistratus militari atque iudicaria potestate ipsis commissa tantopere coepissent abuti, ut homines pro lubitu opprimerent et expoliarent, ita quidem, ut saepe etiam vi atque minis adhibitis subditos ad donanda aut vendenda praedia cogerent^{l)}: Imperatores vix praesentius harum iniuriarum remedium reperiebant, quam ut mores antiquos reuocarent nouaque auctoritate firmarent et stabilirent.^{m)} Caeterum inter Francos seniori saltem aevo condominium praediorum, remotioribus agnatis eruptum, parentibus liberisque tantum seruatum esse videtur. Inde

^{k)} Capit. Lib. IV. c. 19. cit.

^{l)} Capit. Lib. I. c. 115. *De oppressione pauperum liberorum hominum, ut non sicut a potentioribus per aliquod malum ingenium contra iustitiam oppressi, ita ut coacti res eorum vendant aut reddant.* etc. Capit. Lib. VII. cap. 47¹. *Placuit, ut si quis potenzum quemlibet expolierat et admonente Episcopon non reddiderit, excommunicetur.* ap. Baluz. tom. I. Capit. p. 726 et 1130. Capit. III. Caroli M. de ao. 811. c. 3. ibid. p. 485. Capit. III. de ao. 895. c. 17.

^{m)} Capit. lib. II. c. 52. *Propter prouisionei pauperum, pro quibus curam habere debemus, placuit nobis, ut nec Episcopi, nec Abates, nec Comites, nec Vicarii, nec Judices nullusque omnino sub mala occasione vel malo ingenio res pauperum, vel minus potenter nec emere nec vi tollere audear. Sed quisquis ex iis aliquid comparare voluerit, in publico placito coram idoneis testibus et cum ratione hoc faciat. Vbiunque autem alter inuentum fuerit factum, hoc omnino emenderur per iussionem nosram.*

qui filios habebat, ad extraneos neque per pacta, neque per testamenta praedia alienare poterat, ⁿ⁾ nisi quae diuisione bonorum facta sibi seruasset; adeoque si quis ex pluribus heredibus, bona paterna adhuc indivisa possidentibus, res suas ecclesiae donasset, haec ipsa condominium cum caeteris heredibus continuabat,

ⁿ⁾ Lex Ripuar. tit. 48. Si quis procreationem filiorum vel filiarum non habuerit, omnem facultatem suam in praesentia Regis, siue vir mulieri vel mulier viro seu cucunque liber de proximis vel extraneis adoptare in hereditatem vel adfatinis per scripturarum seriem, seu per traditionem et resribus adhibitis secundum legem Ripuariam licentiam habeat. Marc. form. lib. I. No. XII. — Igitur venientes illa et illa ibi in palacio nostro, pro eo quid procreationem inter se minime habere videntur, omnes res eorum inter se per manu nostra viiis suis condonasse etc. Capit. Caroli M. de lege Rip. de anno 803. c. VII. ap. Canz. tom. II. p. 320. Qui filios non habuerit et alium quemlibet heredem facere sibi voluerit, coram rege vel Comite et Scabinis vel missis dominicis, qui tunc ad insticias faciendas in prouincia fuerint ordinari traditionem faciat. Capit. VI. c. 207. Dubium quidem mouere posset Capit. lib. V. c. 211. Statutum est, ut nullus quilibet ecclesiasticus ab his personis res deinceps accipere praesumatur, quorum liber aut propinquus hac inconsulta oblatione possint rerum propriorum exheredari. Quod si aliquis deinceps hoc facere tenauerit, synodaliter sententia districte feriatur et res ad exhibendos redeant, atque Capit. lib. I. c. 83. iisdem verbis conscriptum, sed praeterquam, quod propinquorum nullib[us] alias mentionem factam memini, in primis Capit. lib. IV. c. 19. nostram sententiam confirmat, quod quidem post verba supra laudata sic habet: Et postquam haec traditio ita facta fuerit, heres illius nullam de praedictis rebus valeat facere repetitionem. Insuper et ipse per se fiduciacionem faciat eiusdem vestieurae, ne hereditate vila occasio remaneat hanc traditionem immutandi, sed porius necessitas incumbat illam perficiendi. Et si nondum res suas cum coheredibus suis divisas habuit, non ei hoc sit impedimento; sed cohereres eius si spouse, noluerit, aut per Comitem, aut per Missum eius disstringatur, ut diuisionem cum illo faciat, ad quem defunctus hereditatem suam volunt peruenire. Etsi cuiilibet Ecclesiae eam tradere rogaruit, cohereres eius eam legem cum illa Ecclesia de praedicta hereditate habeat, quam cum alio coherede suo habere debebat. Ex hoc obserueretur erga patrem et filium et nepotem usque ad annos legitimos et postea ipsae res ad immunitatem ipsius ecclesiae redeant.

donec legitimo tempore praeterlapso solitarium dominium acquireret. ^{o)}

^{sup} Quaevis autem praediorum alienatio non rite facta, praediis scilicet agnatis antea non oblatis, vel ipsa clanculum facta ac in detrimentum eorum atque reipublicae vergente, procul dubio nulla et invalida habebatur et ab agnatis poterat rescindi. Hinc retractum illum gentilitium, moribus Germanorum celebratum originem duxisse, mihi, ut cui maxime, est persuasum. Is enim, licet nullibi in legibus antiquis, quantum memini, disertis verbis commemoratur, tacite tamen alienationum prohibitionibus continetur, atque etiam in monumentis aliquantum recentioribus occurrit. ^{p)} Quin legimus Ludouicum P. Imperatorem aliquando promisisse, res esse restituturum, quarum iniustis alienationibus legitimi heredes paterna maternaque hereditate priuati essent: ^{q)}

^{o)} Capit. lib. IV. c. 19. modo laud.

^{p)} De moribus Saxonum antiquis enim hoc testatur Specul. Sax. lib. I. art. 52. Ane erben gelob vnd aue echt ding en muz nieman sin eigen noch sine lute gebn. — Gibt erz wider recht sunder erben gelob der erbe vnderwinderet es sich mit vreilen als ab her tot si. iene der daz gab. so erz nicht gebn mochte.

^{q)} Lib. II. Capit. c. 31. Propter

istius itaque pacis concordiam conservandam, placuit nobis de orphanis et pauperibus, qui debite vel indebita dicuntur amisisse hereditarem paterni vel materni iuris ad se legibus pertinentem, si alioquin inueniri fuerint, quos parres vel matres propter traditiones istorum exheredes fecerunt, aliorum scilicet suasionibus aut petitionibus vel aliquo malo ingenio, omnino volumus arque decrevimus emendari, quantum ad nos vel ad nostram perirent potestatorem, iuxta


Caeteri denique populi Germanici alias rerum siue publicarum siue militarium rationes secuti, vt omne agnatorum condominium, ita etiam alienationes praediorum parum curabant easque fere soli singulorum hominum arbitrio permittebant.^{r)} Quare neque hoc legibus eorum praescriptum videmus, vt agnatis prius a possessoribus offerrentur fundi, quam alienari possent; neque id moribus receptum erat, vt iudicium auctoritas in donationibus et venditionibus praediorum intercederet. Legibus Baiuuoriorum id vnum in filiorum gratiam praeceptum erat, vt pater, antequam res suas ecclesiae donaret, easdem cum filiis diuideret, itaque non nisi suam praediorum et bonorum partem tradere posset.^{s)}

voluntatem Dei et vestram sanctam admonitionem et considerationem; vt si forte extra officium nostrum alicubi inventum fuerit admovere vestram clementiam audeamus ut emendetur. Huc spectat quoque caput proxime sequ.^{52.}

^{r)} Lex Longobard. lib. II. tit. XVIII. c. 2. et 4. Lex Burgund. tit. I. §. 1. — *Quia nihil de praestitia paribus licentia, dominantium legi-*

bus fuerat constituum, praesenti constitutione omnium uno voto et voluntate decreuimus, vt pari etiam antequam diuidat de communi facultate et de labore suo cuilibet donare licet, absque terra sortis titulo adquisita, de qua prioris legis ordo seruabitur. Item §. seq. et additam. I. ad I. Burg. tit. XII. Edictum Theodorici cap. 147. Lex Alamannor. tit. I. §. 1.

^{s)} Leg. Baiuuar. tit. I. c. 1.





ULB Halle
005 891 469

3



✓D 18





4804, 6, 8

D E

V I M I L I T I A E
V E T E R V M G E R M A N O R V M
H E R I B A N N A R I A E
I N I V R E G E R M A N I C O P R I V A T O C O N S P I C V A
E X E R C I T A T I O S E C V N D A

S C R I P S I T

E T

I L L V S T R I S I V R I S C O N S U L T O R V M O R D I N I S A V C T O R I T A T E

P R O S V M M I S

I N V T R O Q V E I V R E H O N O R I B V S
R I T E O B T I N E N D I S

A. D. III. F E B R V A R . A. R. S. M D C C C I .

A D D I S P V T A N D V M P R O P O S V I T

S T E P H A N V S C A R O L V S R I C H T E R V S

L I P S I E N S I S

I V R I S V T R I V S Q V E B A C C A L A V R E V S

L I P S I A E

I M P R E S S I T C A R O L V S T A V C H N I T Z .

